

# UNSA MAN ANG MAKAPADANI DIDTO SA IBABAW SA BUKID?



Too lamang, too lamang,  
Tanang butang posible, too lamang.

Atong iduko ang atong mga ulo karon.

Dios nga Amahan, mao kana ang among matinud-anong pag-ampo niining gabhiona, tungod kay among nakita ang tanan nga Imong gibuhad alang sa katawhan niining adlaw. Ug nangamuyo kami Kanimo, Ginoo, nga hinaut unta nga motoo lamang kami, tuhi lamang nga Kini mao ang Kamatooran, ang Pulong nga sinulat nahimong dayag kanamo. Itugot kining mga butanga, Amahan.

<sup>2</sup> Karo'ng gabhiona buot kami magpasalamat Kanimo tungod sa—sa Kahayag nga Imong gisabwag diha sa mga Kasulatan alang kanamo niining buntaga. Ug nagaampo kami niining gabhiona, Ginoo, nianang linya sa mga magpaampo, nga Imong paluyohan ang Imong Pulong nga mao ang Kamatooran.

<sup>3</sup> Nagaampo kami alang sa tanan kasimbahanan ug sa mga congregasyon nga nagakatipon sa—sa—sa gamay'ng mga micropono didto sa gawas, gikan sa nasud, hangtud sa tanan nga anaa sa Kasadpang Kabaybayonan, pataas hangtud sa kabukiran sa Arizona, paubos sa mga kapatagan sa Texas, tadlas ngadto sa Silangang Kabaybayonan, tanan latas sa tibuok nasud, Ginoo, diin adunay ilang panagtigum. Daghang mga oras ang hilang, ania kami sa tukmang oras, apan, Ginoo, nagkahiusa kami niining gabhiona ingon nga usa ka pundok, mga magtotoo, nga nagapaabot sa Pagbalik sa Mesias. Nagaampo kami, Langitnong Amahan, nga ipadala Mo Siya sa labing madali alang sa Imong Iglesia. Tungod kay among gipangayo kini sa Iyang Ngalan. Amen.

<sup>4</sup> Makahimo na kamo sa pagpanglingkod. Cristohanong mga pangumosta alang sa tanan nga ania dinhi niining gabhiona. Akong gikasubo nga sa gihapon nagpunsisok ug nagdasok kita hangtud nga maglisud kita sa pagginhawa. Bisan pa ang mga air conditioning, wala kaayo mo-epikto, tungod sa kadaghan sa katawhan. Ug kong dunay kasagaran lang nga simbahan nga puno sa mga tawo, kanang mga air condition kini makapakurog kaninyo sa katugnaw. Apan karon ang matag-usa adunay paypay, nga namaypay, ug ang air condition naglisod sa paghuyop kutob sa iyang mahimo.

<sup>5</sup> Among gipaabot ang mga pangumosta gikan sa Silangang Kabaybayonan ngadto sa Kasadpan, sa tanan nga among

mga higala diha kang Cristo, nga nagapaminaw niini. Among gipaabot ang mga pangumosta diha sa San Jose, Igsoong Borders, ang pundok nga tua didto. Among gipaabot ang among mga pangumosta diha sa mga kabukiran, sa Prescott, Arizona, ngadto kang Igsoon Leo Mercier ug sa iyang pundok nga anaa didto nagahulat alang sa Pag-abot sa Ginoo. Among gipaabot ang among mga pangumosta kanila nga anaa sa Tucson, nga nagakatigum karong gabhiona, nga nagapaabot sa Pagbalik sa Ginoo. Paubos ngadto sa Huston, Texas, kanila nga nagapaabot alang sa Pagbalik sa Ginoo. Didto sa Chicago, kanila nga nagapaabot sa Pagbalik sa Ginoo. Didto sa Silangang Kabaybayonan, sa New York ug Connecticut, ug sa dakung pundok nga tua didto, nga naga paabot sa Pagbalik sa Ginoo. Walay atong lawak dinhi aron palingkoran nila, busa sa ingon igo lamang ta magpadala nila ug Pulong pinaagi sa—sa medyum sa telepono.

Among gipaabot ang among mga pangumosta kang Igsoon Junior Jackson niining gabhiona, ug ang iyang pundok diha sa Clarksville. Si Igsoong Rudell, diha sa kan-umag duha, ug sa iyang pundok, nga nagapaabot alang sa Pagbalik sa Ginoo. Ug ania kita nagakahiusa dinhi niining gabhiona sa kaugalingong iglesia, ang Tabernaculo, nga nagapaabot sa Pagbalik sa Ginoo.

<sup>6</sup> Ug karon, kadaghanan tingali kaninyo wala sa bulohaton ganihang buntag. Apan masaligon ako nga ang matag-usa, nga wala, makaangkon nianang teyp, tungod kay nagatoo ako nga kadto maoy labing husto nga Mensahe alang sa iglesia sukad sa—sa Mensahe nga *Seniores*. *Unsa Na Kining Panahona?* Akong nabati ang dihog sa Espiritu, gidasig aron sa pagsulti kong unsa ang akong gibuhath. Hataas kadto, apan bisan pa niana nadasig ako sa pagbuhat niini. Ug ako naghuna-huna nga ang Ginoo, pinaagi sa Iyang Pulong, magapakita niana kong unsa nang panahona ang atong gipuy-an. Ug siguruha gayud nga atong masabtan ang mga butang tinagoan nga nagakahitabo. Nahibalo kamo, ang Biblia nag-ingon, “Ang manggialamon makasabot.”

<sup>7</sup> Apan ang mga nasud ug ang mga katawhan magaanam ug “kaluya ug kamanggialamon.” Pamalandunga lang, ang kasagarang Americano karon anaa na sa kahamtong nga panuigon, mga kaluhaan ka tuig ang panuigon, luyahon apan manggialamon. Walay ilang mga jet nga eroplano sa ilang mga adlaw, ug—ug atomic nga igugubat, apan tag-as ang ilang panuigon. Nagkaanam kita sa pagkamaluyahon ug manggialamon, ug ang atong kaugalingong kaalam maoy magalaglag kanato. Kita maoy nagdaut sa atong kaugalingon. Ang Dios dili maoy molaglag kanato; ang atong kaalam maoy molaglag kanato. Ingon niana kanunay ang mahitabo, ug kini mahitabo pag-usab.

<sup>8</sup> Karon, kong itugot sa Ginoo, sa sunod nga Domingo sa buntag, wala ko masayud karon kung unsay akong igasulti,

apan misalig ako nga ang Ginoo, kong buhion pa Niya ta ug walay mahitabo, ug kini maoy Iyang kabubot-on, atong tinguhaon ang pagsulti sa lain pang Mensahe sa sunod nga Dominggo sa buntag, ug unya sa sunod nga Dominggo sa gabii adunay atong pagpangampo sa masakiton. Ug unya mopatighulog sa akong kapalaran sa pagbalik sa among poluyanan sa Arizona, aron nga kuhaon pabalik ang pamilya aron ang mga kabataan mapalista sa tulonghaan. Ug unya kamo mahimong . . . Magpahibalo lang kami kaninyo, sumala lang sa among mahimo, bahin sa mga tigum maingon nga sila hamtong na, o ang mga panahon nga atong . . . mga dapit nga maoy atong gitumong. Busa, ang Dios magapanalangin kaninyong tanan.

<sup>9</sup> Niining gabhiona karon, sa atong masayran nga kini maoy . . . Naulahi ko ug napulog lima ka gutlo, sa sinugdanan, napulog lima na lang ka gutlo sa dili pa ang ika-walo ang takna dinhi sa Jeffersonville; ug kana mga napulog lima na lang ka gutlo sa Kanlurang Kabaybayonan dili pa ang ika-siyam ang takna didto sa Silangang Kabaybayonan. Ug busa karon kita dinhi hapit na musalop ang adlaw. Ug buot ko magapakigsulti kaninyo sa hamubo lamang nga bulohaton, aron sa pagpaningkamot sa pagpangita sa dihog sa Espiritu, ug unya tawagon ko na dayon ang laray sa mga magpaampo.

<sup>10</sup> Ug buot ko nga ang congregasyon dinhi, maingon man sa congregasyon nga nagakatigum sa laing mga dapit, pangita ug ubang tawo, mga igsoon nga adunay dihog sa Espiritu; ug sa dihang magasugod na kita sa pag-ampo alang sa masakiton, lakaw ug pandungi sa mga kamot kanang anaa diha sa imong congregasyon. Hinumdomi, ang Dios kanunay'ng anaa; Bisan kong hain Siya. Busa, diha sa Texas, didto sa California, didto sa ibabaw sa Arizona, bisan kong hain kamo, pandungi sa mga kamot kanang nagmasakiton sa dihang magasugod na kita sa pagpangampo sa masakiton. Ug siguro ko nga ang Dios magapatalinghog ug magatubag sa pag-ampo.

<sup>11</sup> Kahibulongang butang, sa miaging Dominggo sa gabii, ug ang dihog nagapadayon, ug ang Espiritu Santo . . . Kadto morag usa ka butang. Walay akong linya sa usa—usa ka pagpangila sa pipila na ka mga bulan ug mga bulan, sukad nga dinhi ko sa miaging panahon. Ug unya aron sa pag-adto didto ubos sa usa ka saad . . . Wala kamo manghibalo nga buhaton Niya kini. Dili kamo makaingon nga buhaton Niya kini. Kinahanglan nga molakaw ka lang didto ug magpaabot. Makagagahum Siya. Iyang pagabuhaton kong unsay Iyang gusto. Apan tindog didto ug paabota aron tan-awon kong unsay Iyang pagabuhaton, ug unya bati-a nga Kini moabot kanimo nga sama niana.

<sup>12</sup> Ug diha sa katapusan sa—sa panagtigum, sa walay kasayuran kong kinsa kadto, apan didto dihay usa—usa ka taas nga tawo nga diha subay sa linya, ug opaw ang ulo, ug siya masakiton gayud nga tawo.

<sup>13</sup> Ug unya diha gayud sa kinatumyan, dihay usa ka tawo nga mitungha diha sa ibabaw sa entablado, ug nagaduko sa iyang ulo, ug maingon nga nagaantos siya kon tan-awon, nagapugong sa iyang kaugalingong tiyan. Ug nagdahom ko nga mao kadto ang unang tawo o ika-duhang tawo, o bisan kong kanus-a pa siya ang akong giampoan, tungod kay siya opaw ug nga nagagunit sa iyang ulo nga nagduko; usa ka dakung tawo, hilabihan ang kadako. Apan miliraw ako ug akong nakita ang lalaki nga nagalingkod didto, apan nagmalipayon na siya. Akong gihuna-huna kong, “Hain na kini?” Dili ako makasiguro kong hain na kini. Mabati ko kini ug makita ang lalaki sa akong atubangan.

Gibati ko kini nga ginaguyod dinhi niining dapita, ug kadto nagagikan sa luyo. Gitan-aw ko si Igsoon Niville ug kining duha nga nagalingkod dinhi, kini dili sila. Ako miingon, “Ang tawo anaa na sa sulod nianang bautismohanang didto sa luyo.” Ug nahibalo ba kamo kong kinsa kadto? Si Igsoon Shepherd. Ang hinungdan nga wala ko siya hiilhi, tungod kay naglingkod siya didto sa luyo nga nagaduko sa iyang ulo, ug nag-ampo.

<sup>14</sup> Naghuna-huna siya nga mamatay na siya, gihuna-huna na niya sa milabay nga mga semana. Ang iyang asawa miingon kaniya nga mopalit ug usa ka parisang bag-ong sapatos, ug siya miingon, “Wala ko kana kinahanglan. Dili na ako magdugay dinhi.”

<sup>15</sup> Ug nakigkita siya kanako sa miaging adlaw didto sa... didto sa lagwerta, si Igsoon Wood, misinggig ug nagadayeg sa Dios. Miingon, “Nagkaon ko ug bacon, mga itlog, kamatis, bisag unsay akong gusto.”

<sup>16</sup> Ug sa mapainubsanon iyang gihatag ang iyang lingkoranan, ug mibalik siya didto sa gawas sa dalan, ug nag-ampo. Tan-awa, wala kamo magkinahanglan ug prayer kard, pagtoo lamang ang imong gikinahanglan. Nakita nimo?

Karon, wala ko mahibalo kong naayo na ba siya o wala, nag-ingon lamang ko, “Usa—usa ka tawo, ang nag-ampo, adunay butang nga dili maayo kaniya.” Sa akong huna-huna Kini gitawag nga usa kadto ka, “Sakit sa tiyan, ug siya nag-ampo didto sa luyo. Ang Ginoong Jesus magaaayo kanimo.” Karon, mao ra kanang tanan nga akong ikasulti. Ang nakatabang mao nga siya nag-ampo. Nakita ko kini, apan kong unsa ang nahitabo wala ako masayud. Tan-awa?

<sup>17</sup> Apan kong inyong madungog nga mibalik Kini, ang matag-usa magmatngon, kong Kini magaingon, “MAO KINI ANG GIINGON SA GINOO,” tan-awa, dili na unya ako ang nagasulti niana; Siya na kana.

<sup>18</sup> Apan kanunay ako magaingon, “Si Jesu Cristo maoy nag-ayo kanimo,” kana maoy tukma nga Kamatuoran. “Siya gisamaran tungod sa atong mga kalapasan, sa Iyang mga labod kita nangaayo.” Nakita ninyo? Tan-awa?

19 Apan sa pag-abot Niini, “MAO KINI ANG GIINGON SA GINOO,” ug magasulti kaninyo kong unsay imong pagabuhaton ug kong unsay imong magakahitabo, bantayi kana, sa ingon niining paagiha.

20 Apan kong moingon ako, nga si JesuCristo nagaayo kanimo ug nagahimo kanimong hingpit,” toohi ninyo kini, tungod kay human na Niya kini isulti. Igo lamang nga akong gisubli ang Iyang ginaingon.

21 Ug ang usa ka panan-awon maoy pagsubli lamang sa kung unsay Iyahang gipakita. Nakasabot kamo?

22 Karon mahimong nga magdali ta ug dayon moadto kita sa Pulong, tungod kay nahibalo ako nga daghan kaninyo ang mianhi dinhi, nga aduna pay halayong mga milyas nga pagalawigon niining gabhiona. Ako Nagaampo nga ang Dios magapanalangin kaninyo, magatabang kaninyo ug magapanalipod kaninyo subay sa kadalanan. Ug karon buot ko moabli sa San Mateo, ang ika-21 nga kapitulo, ug mga bersiculo 1 hangtud sa 11, sa San Mateo. Ug, karon, kong wala kamoy Biblia, o kong gusto ninyong isulat kining mga Kasulatan, maayo hinoon.

23 Ug karon alang kaninyo nga wala pa gayud makadungog sa Mensahe niining buntaga, ug na-ay imong teyp rekorder; wala gayud kami magahangyo, sa pagpamaligya sa mga teyp. Wala gayud kami magahangyo, sa pagpamaligya’g bisan unsang butang. Usahay diha sa usa ka dakung tigom ilang ipahibalo nga adunay ilang mga libro diha sa luyo; wala kami magahimo’g bisan unsang butang gikan niana. Si Igsoon Vayle mao ang magsusulat. Ang mga teyp, kanang tawo nga nagapadagan sa bulohaton sa teyp diha maoy magasulti kaninyo, wala kami magapamuhat ug teyp aron masapian. Wala kami. . . Kini dili “ang mga teyp”; kondili ang Mensahe. Ug kong mosulod sa huna-huna sa usa ka tawo nga kini panapi, dili na siya mobuhat pa ug mga teyp. Husto kana. Nagapangutana ako mahitungod niini, nagatoo ako nga ang atong mga teyp gipamaligya sa, dili moubos sa lima ka mga dollares, o ingon, sa tulo ngadto sa lima, maingon ingon niana. Unsay giingon? Tulo ug upat, alang nila dagku, ug tag-as nga mga teyp.

24 Ug usa ka ministro, nangutana ko bahin sa usa sa iyang mga teyp, ug kadto siyam ka dollares, mga kaluhaan ka gutlo o kaha katloan, sa usa ka mensahe.

25 Busa akong nakita nga ang atong Igsoong Sothmann didto sa luyo dili madato, bisan kinsa kanila, diha niining mga teyp nga ilang-ilang gipagawas. Tan-awa, nagbuhat sila ug igo lamang sa pagkuha pinaagi niini. Dili mahimong pangayoon ang mga teyp aron maghimo sila’g walay kapuslanan, tungod kay pinalit nila kining mga teyp ug ang uban pang mga butang. Ug ang makinarya hilabihan ka mahal, ang bili mga napulo ka libo ka

mga dollars aron sa pagpahiluna niini aron mabuhat kanang mga teyp, sa pagsugod pa?

<sup>26</sup> Karon, akong nasabtan nga sa dili madugay ako. . . wala ko pa ba kini ikapahibalo. Apan adunay usa ka pagpamati pag-usab sa teyp. Sa kanunay kita. . . ang mga piniyalan, wala nay akong arang mamahimo pa niining tanan. Wala gani ako. . . wala bisan kanus-a diha sa mga tigum. Kini dili bisan pa—bisan pa kong uyon ni supak. Sila mobalik sa ilang mga tanyag; ang mga piniyalan maoy magahukom kong kinsa ang tawong mosunod aron sa pagbuhat ug mga teyp, ug padalhan nila siya'g sulat. Mao lamang kana ang akong nahibaloan bahin niini. Sila maoy nag-atiman niana, tungod kay dili na gani ko makahalad ug mga bata ni nakabautismo tungod, sa, pag-inusara nga naga-atiman sa mga teyp.

<sup>27</sup> Sa ingon niana mapahiluna na ang akong huna-huna diha sa Mensahe, nga mao kana nga mao kanang Ika-tulong Pagbira, ug mao kini ang kinahanglan nga ako mag matinud-anon ug matinahuron niini.

<sup>28</sup> Mateo 21:1-11. Gisulti ko kana aron sa ingon magma binantayon kamo alang sa. . . o sa pag-abli sa Kasulatan.

*Ug sa ilang. . . Ug sa ngkahiduol na sila sa Jerusalem, ug pag-abot nila sa Betfage, sa Bungtod sa mga Olibo, . . . Duha sa mga tinun-an gisugo ni Jesus,*

*Ug nanag-ingon kanila, Umadto kamo nianang balangay sa atbang ninyo, ug didto inyong makita dayon ang usa ka asna nga gihigot, ug ang usa ka natiuban niini; hubari ninyo sila, ug dad-a dinhi kanako.*

*Ug kon adunay mangutana kaninyo, ingna lang siya, Gikinahanglan sila sa Ginoo; ug iyang ipadala sila diha-diha.*

*Nahitabo kining tanan, aron sa pagtuman sa gisulti pinaagi sa propeta, nga nagaingon,*

*Suginli ninyo ang babayeng anak nga Sion, Tan-awa, ang imong Hari nagaanhi kanimo, maanghop. . . ug nagakabayo sa asna, ug sa nati nga anak sa asna.*

*Ug ang mga tinun-an milakaw, ug ilang gibuhat ang gisugo kanila ni Jesus;*

*Ug ilang gidala ang—ang asna, ug ang nati, ug kini ilang gihapinan sa ilang mga sapot, ug ilang gipakabayo siya niini.*

*Ug ang kadaghanan sa mga tawo nanagpamuklad sa ilang mga sapot diha sa dalan; ug ang uban nanagpamutol ug mga sanga sa mga kahoy ug ilang gipanagkatag kini diha sa dalan.*

*Ug ang mga panon sa katawhan nga nanag-una, nanagsunod, nanagsinngit, nga nanag-ingon, Hosana sa anak ni David: Dalaygon ang nagaanhi sa ngalan sa Ginoo; Hosanna sa kahitas-an.*

*Ug sa paghiduol na niya sa Jerusalem, naukay ang tanan sa ciudad, nga nagaingon, Kinsa ba kini siya?*

*Ug mga panon sa katawhan miingon, Mao kini ang propeta nga si Jesus nga taga Nazaret sa Galilea.*

<sup>29</sup> Karon kong gikan niana mokuha ako ug teksto sa, sa mga katloan ka gutlo sa dili pa pagasugdan ang linya sa mga magpaampo, buot ko nga kuhaon kini alang sa usa ka teksto: *Unsa Man Ang makapadani Sa Ibabaw Sa Bukid?*

<sup>30</sup> Karon, kadto maoy usa ka kapoy, ug maka nerbyos nga adlaw, ug kadto maoy usa ka adlaw'ng talagsaon. Atong nakita dinhi si Jesus nga mitungas ngadto sa Jerusalem, nangandam aron mutambong sa paskus. Ug ang paskus mao ang pagpatay sa carnero, ug ang dugo gisablig diha sa ibabaw sa lingkoranan sa kalooy alang sa—sa pagbayad sa—sa mga katawhan. Ug mitungas Siya gikan sa Betfage ug mitungas sa ibabaw sa Bungtod sa mga Olibo, nga naglantaw sa ubos sa gamay'ng bungtod diin ang Jerusalem natukod. Ug sa nagatan-aw Siya, ug nahibalo nga kini mao na ang katapusan Niyang pagduaw.

<sup>31</sup> Mao na kini ang oras nga kong igatugyan na Siya ngadto sa mga kamot sa mga tawong makasasala ug ilang patyon Siya. Pagapatyon siya sa labing mangilngig nga kamatayon nga bisan kanus-a wala pay nakasinati sa mga may kamatayon, ug igalubong. Siya pagabudhian pinaagi sa Iyang Kaugalingon, ang uban nila mubarog dapig Kaniya. Ug Siya, ingon nga Dios, nahibalo kung unsay ana sa ilang mga kasing-kasing, ug sukad pa sa sinugdan nahibalo na kong kinsa kadtong magabudhi Kaniya. Ug nahibalo nang daan nga kanang tawhana kauban Niya kinsa nagalingkod sa Iyang kiliran ug naga-ihap sa Iyang salapi alang Kaniya, ug uban pa, nahibalo na nga kanang tawhana maoy mobudhi Kaniya. Ug nahibalo nga ang usa ka mabangis nga Romanhong krus nagapaabot Kaniya didto sa gawas. Iyang nahibaloan nga ang Iyang tubig diha sa Iyang lawas ug ang Dugo sa Iyang lawas managkabulag, ug nga ang Dugo motulo sa Iyang Agtang, dagkung mga tulo nga sama sa singot. Nahibaloan na Niya kanang tanan nga ana-a sa Iyang atubangan. Ug mitindog Siya sa ibabaw sa bungtod, nga nagalantaw sa Jerusalem.

<sup>32</sup> Ang mga katawhan niadtong adlaw ang...nga ilang gihinganlan niadtong adlaw, “usa ka maayong matang sa mga relihiyosong katawhan,” maoy nagadumot Kaniya. Ang mga kaiglesyahan niadtong adlaw nagadumot Kaniya ug nagahingilin Kaniya, ug ang tanan nga nagapatalinghog Kaniya ilang pagahinginlan. Ug kong moadto sila ug mutambong

sa Iyang mga tigum, diha-diha mapalagpot sila gikan sa pagpanagtigom sa iglesya. Dili ikahibulong nga ang Kasulatan nag-ingon, “Sa mga Iya mianhi Siya, ug ang mga Iya wala modawat Kaniya.” Siya nahiabot diha sa Iyang hinigugma, Kaugalingon. Ang uban nga angay magpakita’g paghigugma Kaniya, ang uban nga diha alang Kaniya, maoy Iyang pait-pinakapait nga mga kaaway.

<sup>33</sup> Ug sa nakahimo na Siya ug usa ka gamay’ng pundok gikan sa usa ka pundok sa mga kabus nga katawhan, mga mangingisda, mga maniningil sa buhis, walay edukasyon. Ang Biblia nag-ingon nga bisan ang uban kanila “ignorante, walay alamag.” Ang uban kanila dili gani maka perma sa ilang ngalan. Wala gayud siya moadto sa mga kasimbahanan aron mokuha sa Iyang katawhan.

<sup>34</sup> Bisan kanus-a wala gayud Siya makig-uyon sa kang bisan kinsa nga mga pangulo sa iglesia. Ug, gawas pa niana, Iyang gisunod ang lakaw sa usa ka manalagna. Ang tanan mga butang nga ilang gipanagbuhat iyang gihukman, maingon man usab kadtong nauna pinaagi Kaniya sa wala pa siya; tungod kay sila mga kabahin sa Pulong, ug Siya mao ang Pulong sa kinatibuk-an Niini.

<sup>35</sup> Apan sa taliwala niining tanan, bisan pa nga ang matag panahon ug ang matag propeta nga dinhi na o sa umalabot pa, aduna gayud usa ka matuod nga katawhan nga mga gigahin na nga daan aron magapatalinghog sa Mensahe, ug mosunod sila Niini. Kadtong wala manumbaling sa gidaghanon sa katawhan. Ilang gipakawalay bili ang pagbiay-biay sa dili magtotoo. Sila—sila dili magpakiglalis tali kanila. Sila adunay usa lamang ka butang nga pagabuhaton, kana mao ang pagtoo ug ang pagkuha sa matag lugas Niini nga ilang mahimo, ug ipatuhop Kini sa kahiladman sama kang Maria kinsa nagalingkod sa tiilan ni Jesus.

<sup>36</sup> Ug si Martha maoy nagahikay sa Iyang panihapon, ug si Jesus miingon ngadto kaniya, “Apan, Martha, nagakapuliki ka sa mga butang bahin sa kinabuhi, apan si Maria nakakaplag sa maayong mga butang,” tan-awa, ang mga butang sa Kinabuhing Dayon.

<sup>37</sup> Karon, atong hingkaplagan nga daghan sa mga katawhan nga nakasabot. . . Walay ilang mga basahon maingon nga dunay ato karon, wala silay television o kaha telepono, o bisan unsang butang, niadtong adlaw, apan adunay usa ka daw huyohoy sa palibot sa Iyang pagpadulong aron mutambong sa paskus. Tungod kay daghan sa mga katawhan, nga espirituhanon ang panghuna-huna, nga nahibalo nga Siya mao ang Cordero sa paskus, tungod kay nahisugilon na man Niya kanila ang mga butang nga magakahitabo.



38 Ug unya, ug dayag na lamang, nahibalo nga moadto Siya didto, ug nahigugma Kaniya sa paagi nga ilang gibuhay, nagahulat sila Kaniya. Dihay usa ka panon nga naga tinuloray, dinotdutay gikan sa usa ka pultahan hangtud sa usa, nga sa matag dapit nagabantay, tungod kay ilang nahibaloan nga usa niadtong mga taknaa Siya magapakita. Sila nagabantay.

39 Ang uban nangatingala kong unsay nahitabo niining mga tawhana nga nagdagan-dagan man gikan sa usa ka pultahan ngadto sa usa. “Unsa man ang nakapadani?”

40 Ug sila mitan-aw *dinhi* ug mitan-aw *didto*, aron sa pagpangita. Kong tan-awon morag adunay ilang gipangita nga mga butang, ubos sa pagpaabot sa usa ka butang nga mahitabo.

41 Oh, gusto ko unta nga ilisan ang akong teksto sulod sa usa ka gutlo ug isulti kini, nga kana kana ang nagakahitabo karon. Ang mga katawhan nga nagapangita Kaniya nailalum sa dakung kahinam ug pagpaabot. Atong mabati kini, ang kahugot. Ug ilang gipangita, ginabantayan ang matag lihok ug ang matag ilahanan, nga nagtandi niini pinaagi sa mga Kasulatan.

42 Ug sa dihang nakita nila kadtong tanang mga butang nga gipanagna Niya, diha hangtud sa katapusan, ilang nahibaloan nga haduol na ang katapusan. Gusto sila nga makaadto didto, busa nagbantay sila. Ang kabahin sa panon sa katawhan dapig Kaniya, diha sa kinaminosan. Ang uban batok Kaniya, ang kadaghanan kanila, kasiyaman ka porsento supak Kaniya.

43 Ug kana nahisama ra kini karon, sa panon sa mga relihiyoso, kong sa tinud-anay magahisgot na sa Pulong ug kang Cristo, adunay mga usa lang ka porsento ang motoo Niini. Ang laing bahin dili magakabana diha Niini, bisan kong unsa pa ang nabuhay, magabuhay lang sila ug usa ka pasyaw o molabay ug usa ka pagsaway bahin Niini. Hapit lang managkapariha. Ang panahon, mga butang dili kaayo manga-usab, ang kasaysayan magbalik-balik lang.

44 Ah, atong hingkaplagan nga kana nagapaalsa sa kahadlok ug kabalaka. Kinahanglan nga maingon niana. Kini kinahanglan nga magabuhay sa ingon. Nagapaabot sila, natingala sila kong unsa unya ang Iyang pagabuhaton sa dihang moabot na Siya didto. Gusto silang moadto didto aron makakuha ug bisan unsang butang nga Iyang pagabuhaton. Nagakinahanglan sila Niini. Gusto sila nga motan-aw Niini. Sila nagatoo Kaniya. Ang uban nakadungog nga moabot Siya, ug mitungas sila didto aron Siya kataw-an. Busa human sa tanan nga kahinam nga pagpaabot, usa sa hilabihan ka talagsaong adlaw, talagsaon kaayong panahon, ang mga kasimbahanan nagakatulog, ang kadasig sa mga katawhan anaa na sa ngilit, adunay daghan mga katawhan didto, ug unya nahitabo kini!

45 Didto sa ibabaw sa Bungtod sa Olibo miabot ang usa ka gamay'ng, puti nga asno nga nagasingabot, mipalugsong

gikan sa bungtod, uban sa panon sa katawhang mga panatiko nagasinggit, nga nagaguyod sa mga dahon sa palmera gikan sa kakahoyan, ug gipang-itsa sa ilang mga sapot diha sa dalan, nga nagasinggit, “Hosanna sa Anak ni David nga mianhi sa Ngalan sa Ginoo!” Ang...kining gamay’ng mula, ang Nagasakay kaniya walay lain kon dili ang dinihogan sa Dios nga Messias niadtong takna-a.

<sup>46</sup> Ang Dios, diha, unsa man ang Iyang ginabuhat? Unsa man kanang nakapadani diha sa ibabaw sa bungtod? Mao kana ang Dios nga nagbuhat ug kasaysayan, ug ang Dios nagtuman sa propesiya. Ug kana kanunay’ng magahatag ug makapadani. Mao kini ang hinungdan nga ang mga hinawayon nanungas, ang mga buwitre (sa Mensahe niining buntaga), ug ang mga agila usab. Nakita ninyo? Nanagkuyog sila aron sa pagsusi kong unsa na ang nahitabo. Ang uban miadto aron lang maniid, ang uban miadto aron mangita ug sayop, ang uban miduol aron sa pagpanamay. Didto ang tanan nagakatapok, maingon sa atong gihisgotan niining buntaga: mga magtotoo, nagpaka-aron ingnon magtotoo, ug dili magtotoo. Unsa man ang anaa sa ibabaw sa bungtod? Ang profesiya natuman na. Karon atong makita kong unsa na ang nagakahitabo.

<sup>47</sup> Karon, diha sa Libro ni Zacarias, diha sa ika-siyam nga capitulo ug sa ika-siyam nga bersiculo. Si Zacarias, usa sa mga propeta, nagasulti diha sa Espiritu, nga naga ingon niini.

*Pagmaya sa hilabihan uyamut, O anak nga babaye sa Sion; pagsinggit, O anak nga babaye sa Jerusalem: ania, karon ang imong Hari nagaanhi kanimo; siya matarung, . . . man ug adunay kaluwasan; mapaubsanon, ug nagakabayo sa asno, bisan sa usa ka nati sa asno, usa ka nating kabayo nga anak sa usa ka asno.*

<sup>48</sup> Karon unsa man ang nahitabo niadtong mga escriba? Unsa man ang nahitabo niadtong mga pari? Unsa man ang nahitabo niadtong mga relihiyosong mga katawhan? Kini gisulat sa upat ka gatus kawaloan ug pito ka mga katuigan una kini mahitabo, pinaagi sa usa ka pinaluyohan nga propeta, ug nahisulat na diha sa mga kasulatan ug gitawag nga Biblia, ang basahong linukot sa Daang Testamento. Nganong wala man nila hikiti-kanang panagna-a nga natuman na? Sa mao gihapong hinungdan nga sila dili makakita niini karon. Nagatan-aw sila sa Pulong sa Dios ug gihimo Kini nga walay kapuslanan diha sa mga katawhan, pinaagi sa pagpanudlo (sa mga kalagdaan) alang sa Doctrina ang mga kalagdaan sa tawo.

<sup>49</sup> Ug kon ang escriba, mga magwawali, mga ministro, tawong espirituhanon (nga gitawag) mga dinihogan, mobasa lamang sa Biblia, dayon dili na sila matingala kong unsa ang nagakahitabo, mahibalo gayud sila kong unsa Kini. Ang Dios nagtuman sa Iyang Pulong!

<sup>50</sup> Ang kasaysayan nahimo na, ang panagna nangatuman na. Ang kaluwasan sa kalibutan nahiabot na, ang dakung adlaw nga ang tanan mga propeta naga tan-aw ngadto niini. Ang tanan nga anaa sa lubnganan nagapaabot nianang adlaw (na, huna-huna kini), tanan nga nangamatay, ang tanan nga matarung ug dugo sa mga gipangsakit ug ang mga propeta.

<sup>51</sup> Pinaagi kang kinsa, Siya nagasinggit, “Jerusalem, O Jerusalem, kamo nga nagabato sa matag propeta nga Akong gipadala kaninyo, ug nagpatay sa mga matarung, makapila nga buot kung lu-uban ko kamo sama sa gibuhay sa usa ka himungaan, diha sa iyang mga piso, apan nagadumili kamo. Apan karon ang imong takna nahiabot na.”

<sup>52</sup> Ang tanan nga anaa sa lubnganan, si Abraham, Isaac, Jacob, ug tanan nga mga propeta, nagpaabot niining takna.

<sup>53</sup> Ug ang iglesya buta diha Niini. “Kinsa man kini nga maoy hinungdan sa tanan nga kabanha? Kinsa man kanang Tawhana?” Usa ka higayon sila miingon, “Dili ba mao man kana ang anak sa panday nga ania dinhi? Nakaila kita Kaniya. Diin man Niya makuha kining kaalam? Nganong, wala man nato Siya makita nga nakighiusa uban sa atong mga tulonghaan. Wala tay hibangkaagan kung unsang mga libroha ang Iyang gitun-an. Kinsa man Kini?”

<sup>54</sup> Siya mao ang tubag sa propesiya sa mga propeta. Ania na Siya, nagkabayo sa usa ka nating asno. Unsa ka madanihon! Ang Dios nagtuman sa gisaad Niyang Pulong, ang panahon nga ginahulat sukad pa sa upat ka libo ka tuig. Diha sa Genesis, ang ika-3 nga capitulo ug sa ika-15 nga bersiculo, ang Dios nagbuhat ug usa ka tagna, “Ang Kaliwat sa babaye magasamad sa ulo sa serpente, apan ang iyang ulo magasamad sa iyang tikod,” kanang maong panagna nga pinaagi diha sa Biblia nga gipanagna na ang pag-abot niining Tawhana.

<sup>55</sup> Ug dinhi dili pa lang dugay dihay usa ka propeta nga mitindog sa ilang taliwala, nga usa ka propeta nga gipaluyohan, si Zacarias, ug, siya miingon, “Kamong mga anak nga babaye sa Jerusalem ug kamong mga anak nga babaye sa Sion, pagmaya, pagsinggit, siyagit, tungod kay ang imong Hari moabot kanimo, malomo ug mapinaubsanon ug maaghop, nagakabayo sa nati nga asno.”

<sup>56</sup> Ug ania kadtong mga katawhan nga nagabasa sa Kasulatan, matag adlaw, nagabantay Kaniya nga moabot nga nagasakay niini, ug nagsinggit, “Kinsa man kini?” Tan-awa? Ang Dios nagtuman sa Iyang Pulong diha sa mga katawhan nga kinahanglan mahibalo kong unsa Kadto, apan wala sila mahibalo Niini.

<sup>57</sup> Sa dihang tumanon sa Dios ang Iyang Pulong, Kana kanunay magahatag ug pagkamadanihon, kanunay gayud ingon niini. Magahatag ug usa ka pagkamadanihon, tungod kay Kini mao

ang talagsaon kaayo. Hilabihan ang katalagsaon, sa dihang Iyang tumanon ang Iyang Pulong diha sa modernong lakaw sa panahon, tungod kay ang modernong lakaw sa panahon dili motoo Niini. Adunay sila'y kaugalingong paagi.

<sup>58</sup> Karon, atong nakita, ug atong balikon ang mga Kasulatan ug mokuha ta ug lain pang talagsaon nga panghitabo, sa pipila na lamang ka mga gutlo, sa dihang tumanon sa Dios ang Iyang profesiya. Sa dihang moingon ang Dios ug bisan unsang butang, Iyang pagabuhaton kini. Ang tanan mga langit ug ang yuta mahanaw, apan kanang maong Pulong dili gayud mahanaw. Busa Kini kasagaran magadulot ug usa ka eksena, ug usa ka talagsaong eksina.

<sup>59</sup> Panid-i kong unsa ka talamayon ang Pulong sa Dios ngadto sa usa—usa ka katawhan nga unta motoo Niini, ug bisan pa niana Kini maoy labing talagsaon misinggit sila, “Ah, unsa man kini? Diin man ninyo makuha kanang mga butanga? Kinsa man kini? Unsa man kini?”

Sa, dihang angay unta sila maninggit, “Hosanna sa Hari nga nagaabot sa Ngalan sa Ginoo!” Apan didto adunay usa ka gamay'ng grupo nga, usa lamang ka gamay'ng grupo.

Sa upat ka libo ka mga katuigan nga profesiya, alang sa usa ka labing dakung butang nga sa kanunay mahitabo sa nasud, tungod kay ang tanan nga paglaum sa mga patay nagasandig diha Niini, ug ang tanang kaugmaon gikapahimutang dinhi Niini; ug ang mga katawhang relihiyoso, nga nagaangkon nga nagatoo Niini, nagasinggit, “Kinsa man Kini? Ug unsa man kining nakapadani?” Usa ka butang nga talagsaon! Hapit nga managsama, dili gayud kini mausab, karon usa ka talagsaon.

<sup>60</sup> Motan-aw ta ug uban pang talagsaong mga butang, sumala sa gikaingon ko na. Unsa man ang makapadani sa wala pa moabot ang paghukom sa kalibutan ug gilaglag kini pinaagig tubig? Usa ka tigulang tawo, duolan sa usa ka gatos ug kaluhaan ka tuig ang kaguwangon, nagbuhat ug sakayan diin walay tubig aron sa pagpalutaw niini. Didto sa ibabaw sa daghang mga katuigan, nga nagatindog sa pultahan, nagbuhat sa halayo didto sa taliwala, diha sa sulod, ug gibulitan kini sa sulod ug sa gawas, ug miingon, “Ang kalibutan pagalamyon ug tubig.” ang pinakainilang panahon sa siyentipiko.

<sup>61</sup> “Unsa man kanang nagadukdok diha sa ibabaw sa bungtod?” “Nganong, tiguwang man nga tawo nga ginganlan ug Noe, ug anaa siya diha sa ibabaw, usa ka tigulang nga panatiko. Ang tiguwang tawo nagtindog ug dugay nang nagbulad sa adlaw. Nakuyapan siya sa kainit. Nawad-an siya sa iyang maayong panimout. Ug nagbuhat siya ug kanang iyang gitawag nga arka, ug miingon nga moabot ang tubig gikan sa kahitasan diin walay tubig, ug nga kini molutaw ang tanan katawhan nga anaa sa palibot; ug ang matag-usa nga dili maminaw sa

iyang mensahe, ug ang matag usa nga dili musakay sa arka, mangalumos sila. Nakadungog na ba kamo sukad ug ingon nga butang?” Usa kini ka talagsaon ka makapadani!

<sup>62</sup> Akong gipamalandong nga kong ang katawhan gusto nilang mokatawa pag-ayo, motungas sila ug motindog sa atubangan sa pultahan sa arka ug mokatawa. “Nganong, miingon ka nga moulan usa na ka gatos ka tuig ang milabay! Si Lolo nagsugilon kanako nga nakadungog siya nimo dinhi sa ibabaw nga nag-ingon nga moulan, ug hangtud karon nagadukdok lang gihapon ka niining karaan nga bahin sa kahoy dinhi sa ibabaw. Nganong dili ka man mokuha ug imong katabang?”

<sup>63</sup> Apan ang Dios kadtong nagaandam aron pamatud-an ang usa ka saad ug aron tumanon ang usa ka propesiya nga giingon sa Iyang propeta. Hilabihan ang pagkatalagsaon! Ang Dios nagtuman sa Iyang saad kang Noe, samtang ang uban nangatawa. Ang Dios nagaandam usab aron nga magabuhat ug kasaysayan aron ikapakita ngadto sa uban, bisan pa niining adlaw, nga Siya nagatuman sa Iyang Pulong! Bisan pa kong kini morag dili tinuod kini nga tan-awon, ug dili makatarunganon, sa gihapon Siya nagatuman sa Iyang Pulong. Gibuhat Niya kini ingon nga panag-ingnan, gikan niadtong karaang tawo nga nagadukdok nianang arka, alang niining katawhan dinhi sa America niining gabhiona ug sa tibuok nga kalibutan. Bisan kong unsa pa ang ikasulti sa siyensiya, unsay ilang igaingon, *kini, kana o sa lain*, sa gihapon pagatumanon Niya ang Iyang Pulong. Nagabuhat siya ug kasaysayan.

<sup>64</sup> Unsa man ang makapadani niadtong adlaw; usa ka talagsaong butang nahitabo balik didto sa kamingawan, ug kadto usa ka kahoy nga nagadilaab sa kalayo. Ug ang usa ka propeta mikalagiw nagabarug didto sa kamingawan. Wala siya makabati ug tingog, wala siya makadungog ug kasikas, apan mitan-aw siya ug nakakita ug usa ka talagsaong butang didto sa ibabaw sa bukid. Gitinguha sa Dios nga madani ang sa iyang pagtagad. Mao sa gihapon kini karon!

<sup>65</sup> Ang Dios nag-andam na aron sa pagtuman sa Iyang Pulong, pinaagi sa Iyang propeta nga si Abraham, “Ang imong kaliwat magalatas magapuyo sila sulod sa upat ka gatos ka tuig sa langyaw’ng yuta. Pagakuhaon ko sila pinaagi sa usa ka bukton nga kusgan.”

<sup>66</sup> Ug nagaandam Siya ug usa ka tawo alang sa maong bulohaton, maingon sa Iyang pag-andam ug usa ka arka alang sa dapit nga kasigurohan alang sa tanan nga motoo. Gipadilaab sa Dios kining kahoy, ug kining magbalantay sa karnero, nga si Moises, miingon, “Akong lingion aron tan-awon kong unsay ipasabot niining kahibulongang butang.” Ug sa dihang nadala na Niya si Moises ngadto sa kahoy’ng talongon, Siya misulti ngadto kaniya.

<sup>67</sup> Unsa man ang nakapadani dili pa dugay didto sa hawanan ni Pilato, sa dihang gilabay sa magbalantay sa carnero ang usa ka sungkod ug kini mahimong usa ka halas? Ang Dios nagatuman sa Iyang saad kang Moises. Unsa man ang makapadani diha sa Patay'ng Dagat, sa dihang ang tanang mga kabayo ni Faraon nanghibulong, sa dihang ilang nakita ang hangin nga nanaug gikan sa langit ug mibahin sa Pulang Dagat gikan sa too ngadto sa wala; ug ang usa ka panon sa mga ulipon, nagalakaw diha sa tulomanon sa Dios, milakaw tabok ngadto sa yuta nga mamala? Unsa man kini? Ang Dios nagatuman sa Iyang Pulong. Ang kamatayon mipahilayo, usa ka buhing katawhan milatas; ug ang usa ka patay'ng espirituhanong katawhan misulay sa pag sundog niini ug nangalumos. Ang Dios nagatuman sa profesiya ug nagabuhat ug kasaysayan. Mao kadto ang makapadani didto sa Patay'ng Dagat.

<sup>68</sup> Unsa man ang nakapadani sa ika-duha ka adlaw pagkatapos niana, didto sa Bukid sa Sinai, sa dihang ang katawhan gisugo dili una padu-ulon sa ilang mga asawa, sa dihang giingnan sila sa paglaba sa ilang mga bisti ug magbalaan sa ilang kaugalingon, ug magtigum sa palibot sa usa ka bukid diin ang usa ka tawo nga ginganlag Moises miingon nga iyang gikahinagbo ang Dios diha sa usa ka Haligi nga Kalayo? Ug nag-ingon ang Dios ngadto kang Moises, “Manaug ako diha sa taliwala sa katawhan. Akong ipamatuod kong unsa ang Akong giingon kanimo, ug si Kinsa Ako. Akong ipakita nila nga Ako mao kana nga Dios.” Mao kadto ang nakapadani, ang Dios nagtuman na sa Iyang Pulong.

<sup>69</sup> Unsa man ang nakapadani usa niana ka adlaw sa kasaysayan, diin ang nasud nahikalimot na sa Dios, diin ang mga katawhan nahimo nang yano ug walay pagtagad, diin ang mga kaparian ang tanan nakigduyog na uban sa modernong lakat, ang mga propeta nagapanagna na sumala sa pagbuot sa mga kaparian? Ug niadtong adlaw, sumala sa naandan na, sila adunay usa ka tawo nga sa ilang paghuna-huna usa ka panatiko. Nagahisgot siya bahin sa kababayen-an nga nagapamintal sa ilang nawong, ug bisan unsang butang, ug siya daw usa ka salikwaut nga matang sa usa ka tawo. Ug kining tawong tiguwang milugsong ug miingon ngadto sa hari, “Walay bisan tun-og nga mahulog. . . moabot hangtud nga isulti ko kini.”

<sup>70</sup> Ug atong nahibaloan, diha, nga mitago sa iyang kaugalingon ug mipahilayo gikan niini, ug mitago siya sa kamingawan sa usa ka dapit. Ang pundok sa katawhan naghuna-huna nga tingali'g naghimalatyon na siya tungod sa gutom o nalaglag na; apan siya gipakaon sa labing maayo, ug gipainum, usab. Ug karon ania siya, milugsong ug miingon, “Nakita ba ninyo aduna ako'y MAO KINI ANG GISULTI SA GINOO? Karon, kon moadto ta sa dili ka pa kombensido, ibabaw sa bukid ug pamatud-an kong kinsa ang matuod nga Dios,” tungod kay adunay iyang laing pananawon nga gikan sa Ginoo.

<sup>71</sup> Matud niya, “Magpili kamo ug usa—usa ka halaran, ug buhata kini, ug—ug pagpili ug laking baka ug ihawa sila. Magbuhat ako ug halaran sa Ginoo, ug usab magbutang ako ug akong kaugalingong laking baka. Kitang duha magbuhat ug halad, ug tuguti ang Dios nga ang Dios maoy motubag.” Dili gayud Siya magbuhat kung ang Dios wala pa magsulti kaniya; unya miingon siya, “Gibuhat ko kini sa . . . kining tanan sa Imong pagmando, Ginoo.”

<sup>72</sup> Apan unsa man ang makapadani? Kini adunay upat ka gatos ka mga pari ang nagatindog sa ibabaw sa bungtod, ug ang hari didto sa ibabaw sa iyang karwahi, uban sa tanan niyang mga hinagiban ug mga magbalantay nga naglibot. Ug kining tiguwang, nga balhibuong tawo nga dili mailhan ang nawong kong tan-awon, opaw nga ulo, ug ang mga buhok nagadunghay diha sa tibuok niyang lawas, ang usa panit-sa-usa nakasampung sa iya, ang buhok nakadunghay sa iyang lawas, didto sa ibabaw nagatindog uban sa usa ka sungkod diha sa iyang kamot, ug usa ka tibod sa lana diha sa pikas kamot; nga miingon lang, tulo ka tuig ug tunga sa dili pa kana, “Walay bisan tun-og nga matagak hangtud nga pagtawgon ko gikan niini, alang niini,” iyang gikuha ang dapit sa Dios, sa mga butang nga ingon niana mga malingin nga kahayag ug mga landong, ug ang tanan nga ilang gipanaghisgotan. “Ug ania dinhi kanang tigulang nga panatico nagatindog didto sa ibabaw sa bungtod, midala sa tanan katawhan didto sa ibabaw.” Unsa man kadtong maong makapadani? Mao kadto ang Dios nga nagpahimutang aron sa pagpamatuod sa Iyang propeta tinuod gayud. Mao kadto ang Dios nga nag-andam sa pagtuman sa profesiya. Nagabuhat usab ang Dios ug kasaysayan, sa pagtuman sa Pulong.

<sup>73</sup> Pila ka gatusan ka mga katuigan human niana, dihay usa ka tawo nga dinihogan pinaagi sa mao ra gihapon nga Espiritu, ug migula siya sa kamingawan, nga wala siya’y labot sa bisan unsang organisasyon; bisan pa ang iyang amahan usa ka tawo sa organisasyon, usa ka pari sa usa ka kalagdaan. Apan siya migawas sa kamingawan, nagasul-ob ug panit sa carnero, tanan niyang buhok nagtabon sa iyang dagway. Inay nga ubanon na unta, maitom man gihapon. Unsa man ang makapadani niining tawhana nga nakadani sa tibuok nga Jerusalem ug Judea? Ang uban nila migawas ug miingon, “Adunay usa ka ihalas nga tawo didto. Iyang gisulayan ang pagpanglumos sa mga tawo diha sa tubig. Si bisan Kinsa ang makabati sa usa ka butang nga ingon niana?”

<sup>74</sup> Ang uban nga nagapakisayud lamang, ug nagaingon, “Mao na kini ang Mesias.” Ang usa nila miingon, “Mahimo nga kini usa sa mga propeta.” Wala sila masayud kung unsay angay nga huna-hunaon. Apan unsa man kini? Mao kadto ang Dios nga nagtuman sa Isaias 40, diin Siya nag-ingon, “Tan-awa . . .” unsa man ang Iyang pagabuhaton sa katapusang mga adlaw, unsaon

man Niya sa pagpadala sa Iyang ulipon ug unsa man ang iyang pagabuhaton.

<sup>75</sup> Unya atong makita, mga pipila ka mga semana tapus niana, nga ang tawo nakasiguro gayud sa iyang mensahe, hangtud nga siya miingon, “Adunay Usa nga nagatindog sa inyong taliwala, Kinsang sapin sa tiil dili ako takus sa pagbitbit. Siya magabautismo kaninyo sa Espiritu Santo ug Kalayo, maingon nga ako nagapamautismo sa tubig.”

<sup>76</sup> Usa ka adlaw may usa ka yano, batan-ong Lalaki, mga katloan ka tuig ang kagulangon, milugsong ug nagbautismo. Ug sa pagduol na niining Tawhana, dihay ingon ug usa ka makapadani pinaagi’g propeta, ang propeta naglihok ug pinasahi niadtong adlaw. Ang congregasyon walay lain nahimo tungod sa pagbantay sa lihok sa propeta sa dihang nagpakiglantugi siya sa mga pari sa tabok sa suba.

<sup>77</sup> Sila miingon, “Ang Dios maoy nagabuhat niining maong halaran. Ang Dios maoy nagsugo kanamo nga buhaton kini. Si Moises mao ang propeta. Kami nagatoo kang Moises. Ang halad kinahanglan nga dili gayud igahikling.”

<sup>78</sup> Akong nadungog si Juan nga mitubag, nga nag-ingon, “Wala ba ninyo nabasa ang Kasulatan kung unsay ingon ni Daniel nga propeta, ‘Ang halad nga inadlaw-adlaw pagahunungon ra’? Ug kadtong taknaa miabot na! Wala ba ninyo nabasa kung unsay giingon ni Isaias diha sa ika-40 nga capitulo, ‘Ang tingog sa usa nga nagasinggit sa kamingawan, andama ninyo ang dalan sa Ginoo’? Adunay duha ka panagna alang kanako. Ug ang laing butang, wala ba ninyo maila ang atong propeta upat na kagatus ka tuig ang milabay, si Malaquias, sa iyang pagsulti sa ika-3 nga capitulo ug miingon, ‘Tan-awa, Akong gipadala ang Akong sulogun sa atubangan’ Ko, aron sa pag-andam sa dalan? Wala ba kamo mahibalo niining nagatuman na nga propesiya?” Ang profesiya nangatuman na!

<sup>79</sup> Ug mahitungod sa nianang panahona ang propeta miliso ug miingon, “Tan-awa, miabot na ang Cordero sa Dios nga magakuha sa sala sa kalibutan!” Karon unsa man ang makapadani? Kini nabalhin gikan sa propeta ngadto sa profesiya.

<sup>80</sup> Karon timan-i kung unsay natuman na. Ania na ang usa ka yanong Tawo, walay usa nga nakaila, anak sa usa ka panday, miduol nga nagalakaw diha sa tubig. Sa dihang si Juan, ang bantugan nga propeta, miingon, “Ako ang angay Mong bautismohan. Nganong miduol Ka kanako?”

<sup>81</sup> Siya miingon, “Tugoti lang kini nga mahitabo. Apan, maingon nga usa ka propeta ug ang Pulong, gikatugot kini karon kanato aron sa pagtuman sa tibuok pagkamatarung.”

<sup>82</sup> Busa iyang nasabot nga ang Halad kinahanglan nga pagahugasan sa dili pa itugyan, ug iyang gibautismohan Siya.



<sup>83</sup> Karon dihay laing makapadani nga nahitabo sa dihang mihaw-as Siya gikan sa tubig. Kining maong propeta matitud-anon kaayo sa pagpadayag sa iyang panahon ug sa takna, mihangad siya ug iyang nakita ang langit nga nabuksan. Nakita niya ang Espiritu sa Dios, nga sama sa usa ka salampati, nga mikunsad diha sa ibabaw Niya, ug ang usa ka Tingog nga nagaingon, “Kini mao ang Akong Anak nga pinalangga Kaniya may kalipay Ako.” Ang Dios nagapaluyo sa mensahe sa propeta, unsa man ang nakapadani sa pagtagad didto sa Jordan.

<sup>84</sup> Usa ka igsoong lalaki miawit sa dili pa lang dugay, o moawit unta siya, “Didto sa halayong bungtod nagabarug ang sa karaan nga krus.” Unsa man ang makapadani didto sa Bukid sa Calbaryo? Sa dihang atong makita ang mga relihiyosong kalibutan misalikway Kaniya, ug ang Romanhong kagamhanan maoy misilot Kaniya sa kamatayon. Ug ania Siya nagabitay sa taliwala sa duha ka mga tampalasan, naghimalatyon tungod sa kauhaw, ang Dugo nagaagas gikan sa Iyang lawas. Didto Siya gibitay, ug mihilag, “Dios Ko, Dios Ko, nganong gibiyaan Mo Ako?” Ug ang mga tawong relihiyoso didto nangatindog, nag tan-aw diha niini, diyotay lamang ang ilang nasayran nga nagpanagna sa Daang Testamento natagbo na sa Calbaryo niadtong panahona.

<sup>85</sup> Si David mismo nagsulat, nagbuhat... nga napahimutang diha sa Espiritu sama sa tanan nga propeta, nagalihok siya nga sama siya sa kaniadto. Si David mihilag, diha sa ika-22 sa Salmo, “Dios Ko, Dios Ko, nganong gibiyaan Mo Ako? Ang tanan kong mga bukog sila nanagtutok Kanako. Ilang gibuno ang Akong mga kamot ug ang Akong tiil.” Si David, nagasulti nga daw siya kadto. Ug dili kadto si David, si Cristo nga diha kang David.

<sup>86</sup> Ug ania ang maong profesiya nga migula, diha sa tanan nagkalain-laing mga propeta, nangatuman na didto sa Bukid sa Calbaryo. Unsa man ang makapadani didto sa Bukid sa Calbaryo? Ang Dios nagatuman na sa Iyang Pulong.

<sup>87</sup> Lain pa nga makapadani ang didto sa bukid, sa Adlaw sa Pentecostes, sa dihang silang tanan didto sa taas sa usa ka relihiyosong pangilin, nanagdahum nga nakuha na nila ang tanan nga mga panatico. Wala na nila sila madungog sulod sa mga napulo na ka adlaw. Sa kalit, sama sa usa ka balay sa putyokan, nangahapay sila sa ibabaw sa balay, ug nang gawas didto sa kadalanan, nga nagpadayon sa pagsinggit.

<sup>88</sup> “Unsa man kini? Unsay ipasabot niini? Tanan ba kining mga tawhana nangahubog?”

<sup>89</sup> Bantayi! Ug ang usa ka propeta mitindog sa ilang taliwala, maingon nga ang papel sa usa ka propeta kinahanglanon gayud, ug miingon, “Kamong mga katawhan sa Israel, ug kamo nga nagapuyo sa Judea, sa Jerusalem, kinahanglan mahibaloon ninyo

kini, ug patalinghug kamo sa akong mga pulong. Kini sila dili mga hubog sukwahi sa inyong gituohan. Apan kini mao ang giingon sa Ginoo pinaagi kang Joel, ang propeta, ‘Ug mahitabo sa kaulahi-ang mga adlaw, nga Akong igabubo ang Akong Espiritu sa tanan nga mga unod.’” Mao kadto ang makapadani.

<sup>90</sup> Ang mga tawong relihiyoso, human nga ikalansang ang Principe sa Kinabuhi, ug uban pa, sa gihapon wala makakita sa gisaad nga pag-abot sa Espiritu Santo. Ang makapadani, “Kinsa man kini? Unsa man ang ipasabot niini? Unsa man ang nahitabo nianang mga katawhan?”

<sup>91</sup> Ay, na! Kini mao sa gihapon karon. Ato ning masaylo-an ang kadaghanan niini aron dad-on kini dinhi niining taknaa. Walay kalainang butang ang nagakahitabo. Walay kalainan ang mga pangutana. “Unsa man kanang tanan nga pangilad?” Motan-aw sa taas-ug sa ubos sa dalan, mga sakyanan nga gikan sa Michigan ngadto sa Florida, gikan sa Maine ngadto sa California. Niining buntag samtang nagasakay ako, o unyang hapon, didto kami sa kalsada, ako ug ang akong asawa nagatan-aw sa mga lisensiya sa sakyanan. Mao kana ang akong huna-huna niining teksto.

“Unsay ipasabot niini?”

<sup>92</sup> Sama nga Kini ginaingon, “Diin gani ang mga Patay, didto usab magakatapok ang mga agila.”

<sup>93</sup> Giingnan ko ang akong asawa, “Pinangga, nahinumdom ka ba niadtong miaging gabii nga miingon ako nga adyos sa tanan nga mga butang nga bilihon kanako dinhi sa kalibutan, ug moadto na ako sa umahan aron sa pagsugod sa mga butang nga giingon sa Dios nga pagabuhaton? Imong giawit kanang maong awit.”

Oh, sila nga gikan sa Silangan ng kasadpan,  
Sila nga gikan sa halayong yuta,  
Sa pagpista uban sa atong Hari, sa pagkigsalo  
ingon nga Iyang bisita;  
Unsang ug pagkabulahan niining mga  
dumulong!  
Sud-onga ang Iyang balaang nawong  
Nagdan-ag sa Langitnong gugma;  
Bulahan ang nakaambit sa Iyang grasya.  
Ingon sa Iyang koronang masidlak.

<sup>94</sup> Mao kana ang kahulogan sa makapadani. Ang ginahin nga Kaliwat sa Dios kinsa walay laing mahimo kondili ang pagsunod Niini, nagakahulogan ug labaw pa sa kinabuhi kanato. Kuhaa ang among mga kinabuhi, apan dili mo makuha Kana. Unsa man ang makapadani? Ang Dios, maingon sa naandan na, nagatuman sa Iyang Pulong. Gituman na usab Niya ang Pulong ni Zacarias, sa propeta nga si Zacarias.

<sup>95</sup> Diin akong gibasa ang Ika-9 nga bersiculo dili pa lamang dugay, sa pagsulod ni Jesus sa Iyang templo, nga nagsakay. . . o

misulod sa Jerusalem, nga nagsakay sa gamay, nga asnong puti, ang profesiya nga giingon ni Zacarias. Ania Kini, “Pagmaya sa hilabihan uyamot, O anak nga babaye sa Sion. Suminggit ka, O anak nga mga babaye sa Jerusalem. Tan-awa, ang imong Hari magaabot kanimo; Siya matarung man, ug nagadala sa kaluwasan; mapainubsanon, nga nagakabayayo sa usa ka asno, bisan pa sa usa ka nati nga asno.” Mao kadto ang makapadani didto sa Jerusalem, didto sa ulon haing buhatan sa relihiyon.

<sup>96</sup> Karon atong nakita ang panghitabo sa katapusang adlaw! Atong paklion lang ang pipila ka mga panid diha, sa Zacarias, ug tan-awa kong unsay iyang giingon bahin niini. Atong paklion kini ug dayon alang sa katapusang mga adlaw. Nga kanhi mao ang katunga sa panahon; karon mopadayon sa katapusang mga adlaw. Ug mopadayon ta ngadto sa Zacarias, sa ika-14 nga capitulo, ug magasugod sa ika-upat nga bersiculo. Ug paminawa! Ug atong basahon ang bahin sa Kasulatan, mga siyam ka mga bersiculo, gikan sa 4 ngadto sa 9. Paminaw'g maayo. Ug kini nagapanagna alang sa Iyang Pag-abot, sa katapusang mga adlaw. Paminaw ug maayo karon. Kini mao ang GIINGON SA GINOO. Kini mao ang mga Kasulatan, Zacarias 14. Hinumdomi ang Zacarias 9, Unsa ang giingon? Ug sila wala makaila Niini. Karon unsa karong adlaw? Zecarias 14, nagahisgot bahin kini sa Iyang Pagbalik.

*Ug ang iyang mga tiil motindog niadtong adlaw sa bukid sa mga Olivo, nga anaa sa atbang sa Jerusalem nayon sa sidlakan, ug ang bukid sa mga Olivo mapikas sa iyang taliwala ngadto sa sidlakan ug ngadto sa kasadpan, ug mahimo unya ang daku kaayong walog; . . . ug ang katunga sa bukid mobalhin ngadto sa amihanan, ug ang katunga . . . ngadto sa habagatan.*

*Ug kamo mangalagiw paingon sa walog sa akong mga bukid; kay ang walog sa mga moabut ngadto sa Azal; oo, kamo mangalagiw, ingon sa inyong pagpangalagiw tungod sa linog sa panahon ni Uzzius, nga hari sa Juda: . . .*

<sup>97</sup> Laing linog mipikas nga naabli ang yuta! Kung gusto ninyong sundon ang Kasulatan dinhi, hibalo-i dinhi sa ika-limang bersiculo, kini gigamit nga ang pagkapikas sa Bungtod sa mga Olivo linog ang hinugdan, ug kini gipamatud-an pinaagi sa Isaias 29:6 ug sa Pinadayag 16:9. Husto kaayo! Unsa man kini? Mao sa gihapon nga propeta ang nag-ingon sa una Niyang pag-anhi, nakita sa Iyang ika-duhang Pag-anhi. Hibalo-i, “Maingon sa mga adlaw sa linog.” Tan-awa kong unsay ginabuhar sa linog? Tan-awa ang mga panagna kanila?

*. . . ug si Jehova nga akong Dios moanhi, ug ang tanan nga mga balaan mouban kanimo.*

*Ug mahitabo niadtong adlaw nga walay suga; (hallelujah) niadtong adlaw, nga ang kahayag mongi-ob na, o mongitngit:*

*Apan kadto maoy usa ka adlaw uban . . . usa ka adlaw nga nahibaloan ni Jehova; dili adlaw, ug dili gabii: apan mahitabo nga, sa panahon sa kahaponon motungha ang kahayag. (O Dios!)*

98 “Kini mamahimo ang Kahayag sa panahon sa kagab-hion,” mao ra nga propeta. Ug ang mga katawhan nabutahan! Unsa man ang makapadani? Ato pang basahon ang duha pa ka mga bersiculo.

*Ug mahitabo niadtong adlaw, nga ang buhing katubigan mogula gikan sa Jerusalem; ang katunga kanila modagayday paingon sa sidlakan nga dagat, ug ang katunga . . . modagayday paingon sa kasapan nga dagat: kini magapadayon sa ting-init ug . . . ug sa tingtungaw. (Ang Maayong balita mogula paingon, sa Judio ug Gentil.)*

*Ug si Jehova magahari sa tibuok . . . nga yuta: niadtong adlaw, ug usa lamang si Jehova, ug usa ra ang Iyang ngalan.*

Adunay Kahayag sa oras sa kagabhion,  
(tinuod)  
Ang dalan sa Himaya siguradong imong makita;  
Sa dalan nga tubig mao ang Kahayag karon,  
Gilubong sa mahalo'ng Ngalan ni Jesus  
Batan-on ug tigulang, maghinulsol sa tanan  
ninyong kasal-anan  
Ang Balaang Espiritu maoy magalihok;  
Ang kagabhiong Kahayag moabot,  
Mao kana ang kamatuoran nga ang Dios ug si  
Cristo Usa ra.

Tan-awa kong hain na kita karon?

Mga nasud nabungkag, ang Israel nagmata,  
Ang ilhanan sa atong propeta gipanagna;  
(kanang linog alang sa Gentil sa katapusang  
adlaw)  
Maihap ang mga adlaw sa mga Gentil, uban sa  
kalisod maong makapahuyang;  
Balik, O nagatibulaag, sa inyong kaugalingon.

99 Kamo nga mga gipapahawa, ug kining mga arka gikargo diha sa bag-ong mga karosa, pahalayo diha niana sa dili pa ang kamatayon moabot kaninyo. Gipamatud-an Kini sa Dios. Kini mahitabo gayud.

100 Atong ablihan ngadto sa laing Kasulatan sa Daang Testamento, sa Malaquias Ika-upat nga kapitulo, ug basaha kanang gamay'ng ika-upat nga kapitulo.

*... kay ania karon, ang adlaw moabut na, nga nagasunog nga daw hudno; ug ang tanang mapalabilabihon, oo, ... ang tanang nanagbuhat sa kadautan, mangahimong tuod sa balili: . . .*

101 Karon, kini dili mao . . . Mao kana ang Malaquias 3, mao kadto ang unang pag-anhi, karon ania ang ikaduhang pag-anhi. Bisan pa si Doctor Scofield dinhi, sa tinud-anay dili ako uyon kaniya sa iyang mga timaan sa ubos sa panid, apan iyang gipahiyon kining ania dinhi nga husto. "Ang sugo kang Juan," hangtud sa Malaquias 3; ug, sa "Ikaduhang Pagbalik ni Cristo," ug si Elias sa dili pa kini mahitabo. Padayunon ta.

*... ug ang adlaw nga moabot magasunog kanila, nagaingon si Jehova sa mga panon, nga kini dili magbilin kanila bisan gamot ni sanga. (Hain man ang "Walay katapusan" nga impeyerno?)*

*Apan kaninyo nga may kahadlok sa akong ngalan ang Adlaw sa pagkamatarung mosubang nga adunay kaluwasan, sa iyang mga pako; . . . ug kamo manggula, ug managlumpat sa kalipay maingon sa mga nating baka sa toril.*

*Ug pagatamakan ninyo ang mga dautan; . . . sila mangahimong abo sa ilalum sa lapalapa sa inyong mga tiil nianang adlaw nga Akong pagahimoon kini, nagaingon si Jehova sa mga panon.*

*Hinumdomi . . . ang balaod ni Moises nga akong alagad, nga akong gisugo . . . kaniya didto sa Horeb alang sa tibuok nga Israel, . . . ang tulomanon ug ang paghukom.*

102 Ania ang pag-abot ni Elias.

*Tan-awa, Akong ipadala kaninyo si Elias ang propeta . . .*

103 Ang katapusang Kasulatan sa Daan Testamento nga maoy nagtapus!

*... Akong ipadala kaninyo si Elias ang propeta sa dili pa moabot ang daku ug makalilisang nga adlaw ni Jehova:*

104 Karon, dili mahimo nga mao na kadtong si Juan. Dili. Tan-awa, ang kalibutan wala pa man masunog ug ang mga matarung magalakaw sa ibabaw sa mga dautan. Tan-awa? Dili, dili.

*... sa dili pa moabot ang daku ug makalilisang nga adlaw ni Jehova:*

*Ug iyang pabalikon ang kasing-kasing sa mga amahan ngadto sa mga anak, ug ang kasing-kasing sa mga bata ngadto sa ilang mga amahan, tingali unya ako moanhi ug samaran ko ang yuta pinaagi sa usa ka panghimaraut.*

<sup>105</sup> Hibalo-i ang pagkatakdo sa Espiritu Santo, nga Kini dili makapalibog ang duha ka pag-abot ni Elias. Malaquias 3, nag-ingon, “Tan-awa, Akong ipadala ang Akong sulogoon sa atubangan Ko.” Si Jesus gipangutana mahitungod kang Juan; Siya miingon, “Kong makadawat kamo niini, kini siya mao ang gihisgotan sa propeta, ‘Akong ipadala ang Akong sulogoon sa atubangan Ko.’ Kini mao ang Elias nga moabut.” Malaquias 3.

<sup>106</sup> Hibalo-i nga ang Kasulatan sa takdo gayud nagahatag niini. Bantayi kong unsa kini. . . aron sa pagpakita sa . . . kanila nga buot motoo, kanila nga buot makakita. Hinumdomi, si Jesus mihunong diha sa tunga-tunga sa usa ka Kasulatan, tungod kay ang ubang bahin niini nangatuman na man, ang uban alang sa Iyang ika-duhang Pagbalik? “Aron sa pagmantala sa kahimuot sa tuig ni Jehova, aron sa pagbugkos sa mga nadugmok nga kasing-kasing,” ug mihunong; dili “magdala ug paghukom alang sa mga Gentil” hangtud sa Iyang ika-duhang Pagbalik.

<sup>107</sup> Hibalo-i kining Kasulatan dinhi nga nag-ubay. “Ug siya, si Elias, magapabalik sa mga kasing-kasing sa mga amahan ngadto sa mga anak.” (Karon bahin sa Malaquias 4, dili kini pagsagulon, o Malaquias 3.) Si Juan, Elias, nga mianhi sa wala pa ang unang pag-abot ni Cristo, aron sa pagpabalik sa mga kasing-kasing sa mga karaang mga patriarkang mga amahan ngadto sa mensahe sa mga bata, ang bag-ong mensahe.

<sup>108</sup> Karon bantayi. “Ug ang kasing-kasing sa mga bata ngadto sa mga amahan.” Diha sa Iyang ika-duhang pagbalik, sa katapusang mga adlaw, iyang pabalikon pag-usab ngadto sa apostolikong Pagtoo. Tan-awa kong unsa kahingpit ang Kasulatan nga nagakalinya?

<sup>109</sup> Kana mao ang katapusan sa Daan Testamento, ang Daan Testamento. Karon atong nakita nga adunay Kahayag sa panahon sa kagabhion. Unsa man kini? Kini mao ang kinatas-an, Bungtod sa Kinatas-an sa kahoy.

<sup>110</sup> Sumala sa gikaingon ko na niining buntaga, kitang tanan nagagikan pinaagi’g mga denominasyon, pinaagi (dili kon usa ka kahoy nga buongon) sama sa akong gikaingon niining buntaga, apan adunay atong mga bunga, kahil, tanan mga matang sa nagakalainlaing mga butang nga dili sama sa sinugdan ang tanan. Apan sa paghuman. . . Ayaw’g saylo-i Kini. Ania na Kini. Tapos sa pagdula sa mga denominasyon, sa sinugdanan walay ilang Kahayag, adunay adlaw unya nga kana dili matawag nga adlaw o gabii.

<sup>111</sup> Unsa may ilang gibuhat? Unsa man ang ilang ginabuhat? Unsa may mahimo sa usa—usa ka limon diha sa usa ka kahoy ng buongon? Nagkinahanglan ug orihinal nga kinabuhi sa buongon nga makita ug tuison kini pinaagi sa limon. Mao kana ang gibuhat sa mga denominasyon diha sa Pulong sa Dios, gibuhat ang Pulong sa Dios nga walay kapuslanan tungod sa ilang mga kalagdaan. Kana MAO KINI ANG GIINGON SA ESPIRITU SA GINOO. Nagapamunga sila ug mga limon, buongon, dili kong oranges.

<sup>112</sup> Apan unsa man ang giingon sa propeta? Mao ra sa gihapon ang usa nga nag-ingon sa atong teksto niining gabhiona, “Pagmaya, O anak nga babaye sa Jerusalem, suminggit ka sa makusog, anak nga babaye sa Sion, tungod kay ang imong Hari nagaabot kanimo, malumo ug mapaubsanon, nagakabayo sa nati nga usa ka asno,” timan-i kanang mao sa gihapon nga propeta ang nag-ingon, “Moabot ang panahon sa tinghinog.” Ang adlaw gipadala sa ibabaw sa yuta aron sa pagpahinog sa bunga. Nganong dili man kini mahinog? Tungod kay walay bunga diha nga pahinogon. Apan ang Kinabuhi nagpadayon sa iyang panaw.

<sup>113</sup> Mitungha kini pinaagi sa usa ka buongon, aron mamahimong usa ka orange, hingkaplapan kini nga organisado; usa kadto ka bunga sa buongon. Mibalik kini pag-usab, kini mitungha niadtong panahona nga usa ka limon. Mibalik kini pag-usab, nahimo kini sa usa ka butang. Ug diha sa katapusan, sa ibabaw sa kahoy, nahimo kini nga usa ka ukban, nga orange ang katunga, ang katunga limon; usa ka nagakasagol nga kaliwat, usa ka butang binalit-ad; miabot ngadto sa usa ka kahiwian, gibiyaan ang mao ra nga kahoy; ang putos, “hapit makalimbong sa Pinili.” Sama sa buongon kong tan-awon, apan dili diay.

<sup>114</sup> “Apan kini mamahimong Kahayag,” sa dihang motubo siya nga wala sa luyo sa organisasyon. Kong makagawas na siya sa usa ka nangaging organisasyon, kini molambo pag-usab, siya magapamunga ug mga buongon sama sa kanhi nga siya sa dihang gilubong siya sa yuta, ug unya kini mahimong Kahayag.

<sup>115</sup> Unsa man kining maong makapadani; unsa man kining nagakahitabo? Nagatuman sa Pulong sa Dios. Adunay duha ka mga saksi sa Daan Testamento, nga kini ang mahitabo.

<sup>116</sup> Atong kuhaon ang Juan 14:12, sa Bag-ong Testamento, si Jesus miingon.

*. . . Siya nga mosalig kanako, sa mga buhat nga akong ginabuhat mamahimo niya usab; . . .*

<sup>117</sup> Usab, diha sa Lucas 17:22 hangtud sa 30, Siya miingon.

Maingon man usab sa nahitabo kaniadto sa mga adlaw ni Lot, sa wala pa masunog ang Sodoma, maingon usab

niini ang pagbalik sa Anak sa tawo, niadtong *adlaw sa dihang ang Anak sa tawo igapadayag* na.

<sup>118</sup> Oh, tan-awa lamang diha sa mga Kasulatan! “Ang Anak sa tawo,” Si JesuCristo mao sa gihapon kagahapon, karon, ug sa palaabuton, nagatubo sa milabay nga mga denominasyon, mitubo padulong ngadto sa kinatas-an sa Kahoy. Unsa man ang Iyang giingon diha sa Juan 14 o 15? “Ang matag sanga nga ania Kanako, nga dili magapamunga, kini pagaputlon ug pagapul-ongan, ug isalibay ngadto sa kalayo ug pagasunugon. Apan ang matag sanga nga nagapamunga, kini pagahinloan.”

<sup>119</sup> Oh, adunay usa ka tinuod nga una ug ulahing ulan diha sa katapusang mga adlaw diha sa ibabaw nianang gamay’ng pundok nga miduol Kaniya diha sa ibabaw sa gamay nga asno, masulob-on ug mapa-ubsanon, walay- . . . o denominasyon, nga nagasinggit, “Hosanna sa Hari nga nagaabot sa Ngalan sa Ginoo!” Unsa man ang nahitabo karon? Unsa man ang makapadani diha sa ibabaw sa bungtod?

<sup>120</sup> Dili pa lang dugay, samtang nagatindog ako dinhi niining pulpito, pinaagi sa Espiritu Santo kini giingon, “Moabot ang adlaw nga sa dihang maga-ugsok sila diha sa atubangan sa inyong balay; ilang balhinon ang inyong pultahan. Aron, sa ingon, motipas ka niini, nga dili masuko.” Akong nakita ang akong pultahan nga naguba na ug natumba didto sa kilid sa bungtod. Nakita ko ang bungtod sa akong atubangan, gibugwal tanan, ang mga tabla ug mga butang nagkatag diha diin adunay butang nga midugmok niini. Siya miingon . . .

Mitutok ako, ug dihay usa ka gamay’ng Ricky nga misaka didto ug gituklod ang pultahan, ug gibuhat kini. Miingon ako, “Nganong wala mo man ako sultihi?” Maabtik pa siya kay kanako, ug kinahanglan nga maigo ko siya. Ug sa nahimo na kini, miingon ako, “Wala ko mabuhat kini sukad nga didto pa ako sa boksinganan, apan buot ko lang nga masayud ka,” ug gidagpas ko siya kausa. Ug sa natumba ko siya, akong gibangon siya pag-usab ug gitumba ko siya pag-usab. Akong gipunit siya, ka tulo o kaupat ka mga higayon, ug dayon akong gipatiran siya paingon sa bungtod. Busa diha-diha miadto ako didto, ug miingon ko, “Dili kana husto.” Ug akong gipatindog siya ug akong gilamano ang iyang mga kamot, matud ko, “Wala ako masuko kanimo, apan buot ko lang nga pahibaloon ka nga dili ka makahimo sa pagsulti kanako nga sama niana.”

Ug unya sa akong pagliso ug mipauli, ang Espiritu Santo didto nagtindog sa pultahan, ug miingon, “Karon tipas niini. Sa dihang ipadulot na kanang maong ugsok, liso padulong sa kasadpan.”

Kining maong Libro matagbutang nga akong  
gikinahanglan,  
Kining maong Libro mao ang maayong Recipe,



Ang dalan nga maoy nagtudlo aron sa paglikay  
sa kagubot.

Amen!

<sup>121</sup> Ug kadtong maong Libro mao ang Pulong, ug kanang Pulong mao ang Dios. Saylo-i ang imong mga kagubot, kini maoy magsugilon kanimo kong unsaon sa pagbuhat.

<sup>122</sup> Tulo na ka tuig ang milabay akong nadunggan nga ang akong higala, ang surbeyor sa ciudad, nga nagpuyo sa ubos nga agianan gikan kanako, nga naglubong ug usa ka ugsok. Miadto ako didto ug miingon, “Unsa man ang nahitabo, Mud?” Anak ni Mr. King, personal kong higala.

Miingon siya, “Billy, ilang palapdan kining dalan.”

<sup>123</sup> Nahinumdom mong tanan. Miingon ako, “Mahimo nga tulay kini.” Gisuginlan ko si Igsoon Woods, matud ko, “Kopti ang imong kabtangan. Tingali kanang maong tulay makaabot hangtud dinhi, morag ingon niana.” Ang agianan nabungkag; ang mga tisa, mga bato, gipanaglabay ang tanan mga butang. Busa miingon siya . . . Matud ko, “Kopti ang imong kabtangan.” Ug dayon sa akong . . .

Giingnan ko ni Mr. King nga mahitabo gayud kini.

<sup>124</sup> Misulod ako, giingnan ko ang akong asawa nga nagalingkod didto, “Pinangga, adunay usa ka butang nga nahisulat bahin niana. Kini MAO KINI ANG GIINGON SA GINOO, sa usa ka dapit.”

<sup>125</sup> Misulod ako ug akong gikuha ang akong libro, gitan-aw ko kini, ug ginaingon kini, “Kini mahitabo gayud . . .” Walo ka mga katuigan ang milabay!

<sup>126</sup> Ug unya sa akong tan-aw kini, miingon ako, “Mao na kini ang panahon, pinangga, nga kinahanglan moadto kita sa kasadpan.”

<sup>127</sup> Duha ka adlaw sa pagkahuman niana, sa sulod sa lawak ako nagatindog sa mga alas 10:00 ang takna sa buntag, nahiadto ako sa Espiritu sa Dios. Akong nakita ang usa ka gamay’ng panon sa mga salampati nga nagalupad, nga nagatan-aw kanilang mga gagmay’ng mga langgam. Nahinumdom ba mo niini. Nakakita ako ug pito ka mga Manulonda nga diha sa dagway sa usa ka piramid, nga mihasmag paduol kanako. Miingon, “Balik paingon sa kasadpan, umadto ka sa Tucson, mga kap-atan ka milyas paingon sa amihanang silangan. Ug ikaw magapamunit ug morsiko,” o bullheader? maoy ilang tawag niini didto, “panangtanganon mo kini gikan sa imong bisti.”

<sup>128</sup> Si Igsoon Fred Sothman, nagalingkod didto nga nagatan-aw kanako karon, didto siya niadtong buntaga. Nahikalimot na ako mahitungod niini.

<sup>129</sup> Miingon ako, “Usa ka buto milanog sama sa usa ka linog, nga mitay-og halos tanan butang diha sa nasud. Wala ako’y

nakita kong unsaon sa usa ka tawo nga makabuhi pa niini.” Nalisang ako. Didto ako sa Phoenix magtindog, kamong tanan makapatalinghug karong gabii saksihi ako. Akong iwali ang sermon, *Mga Senyor, Unsang Taknaa Na Kini?* “Hain na ba kita karon?” Miadto ako sa Kasadpan. Daghan kaninyo dinhi ang nakakuha nianang teyp, daghan kaninyo dinhi ang nakadungog nga giingon kini, tuig o kapin sa wala pa kini mahitabo.

<sup>130</sup> Miadto ako sa Kasadpan, natingala? kung unsay nahitabo. Usa niana ka adlaw nakadawat ako ug tawag gikan sa Ginoo. Gisultihan ko ang akong asawa, matud ko, Pinangga, ako. . . tingali ang bulahaton natapos na.” Wala ako mahibalo. Matud ko, “Ako. . . ang Dios, tingali’g natapos na ang Dios kanako karon ug mopauli na ako sa Puloy-anan. Lakaw ug kuhaa si Billy, dad-a ang mga bata. Ang Dios magahimo’g paagi alang kaninyo, sa laing paagi. Padayon ug pagkinabuhi nga matinumanon sa Dios. Tan-awa nga ang mga bata nga maka-eskwela, matuto-a sila sa pagpahimatngon sa Dios.”

Matud niya, “Bill, wala ka masayud—wala ka masayud nga tinuod kana.”

Matud ko,” Dili. Apan ang usa ka tawo dili na mabuhi pa niana.”

<sup>131</sup> Usa niana ka buntag gipukaw ako sa Ginoo, miingon, “Lakaw tungas didto sa Sabino Canyon.” Nagdala ako ug usa ka papel ug ang akong Biblia.

Ang akong asawa miingon. “Asa ka man paingon?”

Matud ko, “Wala ako mahibalo. Sultihan ko lang ikaw kon makabalik na ako.”

<sup>132</sup> Mitungas ako didto sa canyon, mitungas padulong sa itaas diin ang mga agila nagalupad-lupad didto. Mitan-aw ako sa mga usa nga nagatindog didto. Miluhod ako aron sa pag-ampo, ug gibayaw ko ang akong mga kamot, ug ang usa ka Espada mihapak sa akong kamot. Miliraw ako. Naghuna-huna ako, “Unsa man kadto? Wala ako kawad-ig panimuot. Ania ang Espada sa akong kamot; masilaw, sidlak, nagagilak-gilak diha sa adlaw.” Miingon ako, “Karon, walay laing tawo nga haduol kanako, dinhi sa ibabaw sa canyon. Diin man kana magagikan?”

Akong nadungog ang usa ka Tingog, nga nag-ingon, “Kana mao ang Espada sa Hari.”

Miingon ako, “Ang kabalyero sa hari ang usa ka lalaki nga adunay espada.”

<sup>133</sup> Siya ang Tingog mibalik, ug miingon, “Dili kong usa ka espada sa hari, kondili, ‘Ang Espada sa Hari,’ ang Pulong sa Ginoo.” Miingon, “Ayaw kahadlok. Kini maoy Ikatulong Pagbira lamang. Kini maoy pagpamatuod sa imong ministryo.”

<sup>134</sup> Nangayam ako kauban sa usa ka higala, nga walay kasayuran kong unsay mahitabo.

Ug adunay usa nga mitawag kanako, ang usa nga misaway kanako mahitungod sa hulagway sa Manulonda sa Ginoo, ang usa nga mikuha niini. Miadto ako sa Houston tungod sa iyang anak nga lalaki, tungod kay siya nagapadulong na sa laray sa kamatayon ug mamatay na sa pipila na lang ka adlaw. Ug gisugat niya ako didto ug gigakos niya ako, ug miingon, “Wala ako magdahum, nga ang maong tawo nga akong gitamay moanhi aron sa pagluwas sa akong bugtong anak!” Ang tawhanong kapunungan mihatag kanako nianang ilang giingon nga oscar, o bisan unsay inyong gusto nga itawag niini, aron sa pagluwas sa usa ka kinabuhi.

<sup>135</sup> Ug unya mibalik kami, ug mitungas ako sa bukid aron sa pagpangayam. Didto, si Igsoon Fred ug ako, usa niana ka buntag sa dihang milakaw ako sa gawas, ug akong—ako nang nakuha ang akong javelina, ug mitan-aw ako ug akong nakita ang dapit nga ilang giadtoan. Miingon ako, “Igsoon Fred, lakaw didto sa ibabaw nianang bukira karon sayo sa kabuntagon, sa pagbanag-banag gayud sa adlaw, ug moadto ako sa lain. Dili ako mopusil ug baboy, dili ko kini patyon. Apan kong mosugod sila niining agianan, kanang panon sa mga mananap, akong pusilon sa ilang atubangan ug unya gukoron sila pagsumbalik.”

<sup>136</sup> Si Igsoon Fred miadto didto ug walay mga baboy didto. Gikamay niya ako ug nakita ko. Milugsong ako sa canyon, ug pipila ka mga dagkung kal-ang sa yuta, ang adlaw igo pa lang nga mosilang. Miadto ako sa pikas daplin sa bungtod, nga wala maghuna-huna nga wala sa profesiya. Milingkod ako, naghulat, mipahulay; ug namalandong kong, “Unsay nahitabo niadtong mga baboy?”

<sup>137</sup> Akong gipunit ang akong . . . Milingkod ako nga sama sa mga Indian, nasayud ba kamo, sinaylo ang bitiis. Mitan-aw ako sa tibuok kong bitiis, ug dihay morsiko. Akong gipamunit kini. Ug miingon ako, “Kahibulongan kana! Ania na ako, hapit na sa mga kap-atan ka milyas sa amihanang silangan sa Tucson. Tua didto ang akong gamay’ng anak nga lalaki nga si Joseph naglingkod nga nagpaabot kanako didto.” Ug sa misugod ako sa pagtan-aw, nakita ko ang usa ka panon sa mga baboy mitungha nga mga usa ka libo ka yarda gikan kanako, didto sa ibabaw sa bukid, akong gipanglabay ang mga morisiko sa ubos. Miingon ako, “Makuha ko sila. Moadto ako ug kuhaon si Igsoon Fred, ug nagbitay ako ug usa ka pirasong papel aron pagpahibalo kong asang dalana moagi, diha niining ocotilyo dinhi, ug akong kuhaon si Igsoon Fred.”

<sup>138</sup> Ug misugod ako sa pagsaka sa bukid, midagan kutob sa akong mahimo ngadto sa pikas daplin. Sa kalit lamang, nagtoo ako nga adunay usa ka tawo nga mipusil kanako. Sukad wala pa ako makadungog ug ingon nga buto; nakapakurog kini sa tibuok nasud. Ug, sa nahitabo na kini, sa akong atubangan nagatindog ang pito ka mga Manulonda diha sa usa ka pundok.

139 Nakigkita ako kang Igsoon Fred ug kanila, sa makadiyot lamang. Ug miingon, “Unsa man kadto?”

Matud ko, “Mao na kana.”

“Unsa may imong pagabuhaton?”

140 “Mopauli sa balay. Tungod kay, MAO KINI ANG GIINGON SA GINOO, ang pito ka mga tinago nga kanhi gililong diha sa Biblia tanan niining katuigan, kining mga denominasyon ug uban pang butang, pagaablihan na sa Dios silang pito ka mga tinago alang kanato diha sa Pito ka mga Timri.”

141 Didto adunay lingin nga mitubo gikan sa yuta, maingon sa usa ka dagway sa gabon. Sa nahitabo na Kini, Kini miadto padulong sa bukid, ug nagasugod sa paglingin diha sa dapit sa kasadpan, gikan sa dalan nga Iyang gigikanan. Nakamatikod Niini ang siyensiya human sa pipila ka higayon, katloan ka milyas ang gihabugon ug kaluhaag lima ka milyas ang gilapdon, tukma gayud sa kalingin sa piramid.

142 Ug sa miaging adlaw, samtang nagatindog ako didto, giliso ko ang hulagway padulong sa too, ug anaa diha si Jesus maingon nga diha Siya sa Pito ka Kapanahonan sa Iglesia, ang maputi nga peluka gisul-ob, nga nagapakita sa Pagka Labing Gamhanang Dios. Siya mao ang Alfa ug ang Omega; Siya mao ang Sinugdan ug ang Katapusan; Siya mao ang Kinalabwang Maghuhukom sa tanan sa Eternidad, nagatindog didto, nagmatuod sa Mensahe niining panahona. Ug aduna unyay Kahayag sa panahon sa kagabhion! Unsa man ang ipasabot niining tanan? Unsa man kadto?

143 Miadto ako padulong sa kasadpan. Sa ibabaw nianang mao ra nga bukid, miagi paibabaw kauban ni Banks Woods didto, ug miingon, “Pag-itsa sa itaas ug usa ka bato. Ingna si Mr. Woods, ‘MAO KINI ANG GIINGON SA GINOO, makita mo ang Himaya sa Dios.’”

144 Sa pagkasunod gayud nga adlaw, samtang nagtindog ako didto, usa ka alimpulos mipaubos ug gipabuto ang bukid. Ang mga bato miputol sa tumoy sa mga kahoy, mga tulo o upat ka tiil lapaw sa ulo. Nagahimo ug tulo ka dagkung mga pagbuto, ug ang mga kaigsoonan miduol nga nagadalagan. Dihay mga napulog lima ka mga lalaki ang nagatindog didto, mga magwawali ug uban pang butang. “Unsa man kini?” Siya miingon, “Unsa man kini?”

Miingon ako, “Ang Paghukom miabot sa kasadpang Kabay-bayonan.”

145 Mga duha ka adlaw sa human niana, hapit malunod sa linog ang Alaska. Unsa man ang Kahayag sa ibabaw sa Sunset Mountain diha sa Coronado nga Kalasangan sa Arizona? Unsa man kining kahibulongang butang nga nahitabo diha sa ibabaw, nga ang mga katawhan nanalagan sa silangan gikan sa

kasadpan, namunit ug mga bato nga nahimutang diha sa dapit nga Kini moigo? Ug ang matag-usa kanila, matag-usa ka bato, adunay tulo ka mga kanto niini, nga Kini makasiak. (Ang tulo Usa lamang.) Sila gipahimutang diha sa ibabaw sa usa ka talad sulatanan, nadungog sa balita sa uban nga kanasuran. Unsa man kining katingalahang butang diha sa ibabaw sa Sunset Mountain sa Lasang sa Coronado?

<sup>146</sup> Si Junior Jackson nagapaminaw niini, nahinumdoman ba ninyo ang damgo niya nga akong gihubad, “nagalakaw padulong sa sawpanan sa adlaw”? Ug kini nahitabo diha sa “Sunset Mountain.” Mao kini ang panahon sa kagab-hion, panahon sa pagsalop. Ang Mensahe sa pagsalop pinaagi sa usa ka pagsalop sa kasaysayan, pagsalop sa profesya diay, nga natuman na. Ug mahimo kini nga Kahayag sa panahon sa kagabhion, sa ibabaw sa Sunset Mountain diha sa Lasang sa Coronado, kap-atan ka milyas sa amihanan sa Tucson. Pagkuha ug mapa ug tan-awa kong didto ba gayud Mosalop ang Adlaw. Kana maoy tukma diin kini mahitabo. Wala gayud ako mahibalo niini hangtud sa miaging adlaw.

<sup>147</sup> Ang matag butang nga . . . Kanang dili mangamatay. Kini sa kanunay dili mairog sa Iyang kaugalingon. Gikan sa mao gayud nga mga butang nga nahitabo, ngadto sa hulagway si Jesus nagatindog nga nagtan-aw kanato; ug karon tukma nga anaa sa ibabaw sa Sunset Mountain, ug ang Kahayag sa pagsalop. Ang Kahayag sa kagabhion miabot na, gipaluyohan sa Dios ang Iyang kaugalingon. Unsa man kini? Mao kini ang kamatuoran nga ang Dios ug si Cristo usa ra. Ang “puti,” pila man ang nakakita niini, ang maputing peluka diha sa ibabaw Niya, maingon sa atong gihisgotan sa Pinadayag 1? Tan-awa, ang Kinalabwang Dios, Kinalabwang Kagahum; wala nay laing tingog, wala nay laing dios, wala nay laing bisan unsa! “Kay diha Kaniya nagapuyo sa pagkalawas sa bug-os nga kinatibuk-an nga Pagka Dios.” Ang mga Manulonda Mismo mao ang Iyang peluka. Amen.

<sup>148</sup> Unsa man ang nahitabo sa ibabaw sa Mount Sunset? Ang Dios nagapamatuod sa Iyang Pulong. Mao kana ang tanan nga kahulogan niining kabanha. Hibalo-i, mao kana ang Dios nga nagatuman sa Iyang Pulong nga gisaad pag-usab, sa Pinadayag 10:1 ngadto sa 7, “Ug sa mga adlaw sa paghuyop na sa ika-pitong manulonda sa iyang Mensahe, ang tinago sa Dios pagatapuson na.” Ang gililong nga tinagoan sa Pinadayag 10:1 ngadto sa 7, ang katapusan nga Mensahe ngadto sa katapusan nga panahon sa iglesia. Natuman na sa hingpit, dinhi niining panahona, San Lucas 17:30, “Ang adlaw nga ang Anak sa Tawo igapadayag na.”

<sup>149</sup> “Ug manungha ang mini nga mga propeta ug mini nga Cristo, nga magapakita ug mga dagkung mga ilhanan ug mga katingalahan, sa pagkaagi nga kini molimbong sa Pinili kon mahimo pa.” Ang mga katawhan sa gihapon anaa pa sa

pagduha-duha. Ug, maingon sa naandan, ang iglesia mao sa gihapon ang naglibog.

<sup>150</sup> Ug ang siyensiya, bisan pa sa tibuok Tucson, adunay ilang mga sinulat nga gagmay ug gibutang kini sa mantalaan. Balik didto sa Bukid sa Lemmon, silang mga dagkung mga camera wala makakita Niini nga misaka sa itaas gikan didto diin kami nagtindog; ug gipadpad padulong sa Kasadpan, nga nagapasabot nga ang panahon natapus na. Wala na kini mopadayon kondili ang usa na lang ka gamay'ng bahin didto; anaa kini sa Kasadpang Kabaybayonan. Ang Paghukom mihapak sumala sa paagi nga kini miabot. Miadto padulong sa Pheonix ug milatas, ngadto sa Prescott ug latas sa kabukiran ngadto sa Kasadpang Kabaybayonan, padulong sa ibabaw sa... Hain man ang gipadulngan? Didto gayud sa Alaska, ug nagadalugdog siya, nga nagapadulong nianang dalana.

<sup>151</sup> Ug ang mga maniniid ug silang tanan diha sa Tucson sa gihapon nagapangutana pa, ang pagsukit-sukit sa siyensiya nga naninguha sa pagkaplag kong unsa kini. Mahabog ra kaayo nga sa ingon dili sila gabon, tun-og, o walay misaka didto. "Unsa man ang gibuhat niini? Hain na man kini karon?" Sila nagakalibog lang tungod nianang labaw sa kinaiyahan Kahayag nga nagbitay didto sa unahan sa kawanangan maingon nga sila mao man sa dihang ang mga Mago miadto nga nagasunod sa usa ka Bitoon, nga nagaingon, "Hain man Siya nga natawo ang Hari sa mga Judio?" Unsa man kini? Ang Dios nagtuman sa Iyang Pulong, "Ug adunay mosubang nga bitoon gikan kang Jacob."

<sup>152</sup> Ug ang Dios sa Langit nagasaad sa panahon sa kagabhion nga makabaton ug mga Kahayag sa kagabhion. Tulo ka tuig ang milabay nga kining tinago usa ka profesiya, "Unsa nang taknaa karon, sir?" Apan karon kini nahimo nang kasaysayan. Milabay na kini. Ang saad natuman na. Unsa nang taknaa kini, sir, ug unsa man kining makapadani? Ang Dios nagatuman na sa Iyang Pulong! Siya mao sa gihapon kagahapon, karon, ug sa palaabuton.

Mag-ampo ta.

<sup>153</sup> Mahigugma-ong Dios, akong gihawiran ang mga katawhan sa dugay kaayo, nga labi pang dugay kay sa akong gitinguha. Mag-ampo ako, O, Dios, nga adunay butang nga gihisgotan o nabuhay nga mahimong hinungdan sa pagpakasabot sa katawhan didto sa gawas o sa bisan diin. Ug pinaagi sa nakita ug sa pagpakasabot mahimong motoo sila nga Ikaw mao ang matuod nga Cristo, ug ang mga Pulong nga gipanghimatud-an maoy pagpanghimatuod sa Iyang Pulong ingon nga hingpit ug ingon nga natuman na sa Iyang panahon.

<sup>154</sup> Karon, Ginoong Jesus, gikan sa Imong Kaugalingong mga Pulong, Ikaw naga-ingon nga ang kalibutan maanaa sa kahimtang sa Sodoma. Nasayud kami nga, makakita pa kami

niini. Ug nag-ingon Ka, niadtong adlaw, “Maingon unya kini sa Sodoma.” Dihay tulo ka mga mensahero ang gipadala ngadto sa mga Gentil ug sa kalibutan sa Hebreo. Ug ang usa kanila, mao gayud ang Dios Mismo, ang Anak sa tawo, nagpadayag sa Iyang kaugalingon diha sa dagway nga tawhanon ug nagabuhat ug usa ka milagro, maingon nga nag-ingon kang Abraham kong unsay gibuhat ni Sarah sa Iyang luyo didto sa tolda.

<sup>155</sup> Nag-ingon Ka nga masubli kini pag-usab sa dihang ang tibuk Gentil nga kalibutang maanaa na sa kahintang sa Sodoma. Ug kami ania dinhi, Ginoo. Ang Uban nga mga profesiya nagmatuod sa samang butang, pinaagi sa pagpadala kang Elias sa katapusan nga adlaw, ang Espiritu ni Elias sa ibabaw sa yuta, aron sa pagdala sa mga kasing-kasing sa mga amahan, o, “ang mga anak balik ngadto sa mga amahan.” Ug nag-ampo ako, Dios, nga niining taknaa nga Imong pamatud-an ang Imong Pulong, nga Ikaw mao sa gihapon kagahapon, karon, ug sa palaabuton. Itugot kini, Amahan. Imo silang tanan. Naga-ampo ako nga Imong itugot kining mga panalangin ug pamatud-i kong unsay gikaingon na, alang sa Himaya sa Dios. Sa Ngalan ni JesuCristo. Amen.

<sup>156</sup> Ang pagsulti sa usa ka pulong, iya sa tawo; ang pagmatuod sa pulong iya, sa Dios. Ang pagsulti ug mga butang, Maoy usa ka butang; sa Dios nga nagabuhat niini, maoy laing butang. Wala ang Dios magakinahanglan ug bisan unsang mag- huhubad; Siya maoy nagabuhat sa Iyang Kaugalingong hubad.

<sup>157</sup> Karon nag-andam ta aron nga pagahimoon ang mga pagpangampo sa masakiton, kong itugot sa Dios. Ug nahibalo kita nga walay bisan usa, walay tawo, walay babaye, walay tawhanong binuhat, walay manulonda, nga makahimo sa pag-ayo kaninyo, tungod kay gibuhat na kini sa Dios. Siya maoy nagaandam, ang bugtong butang nga inyong pagabuhaton mao ra ang pagdawat niini.

<sup>158</sup> Walay usa ka tawo, walay manulonda, walay bisan unsa, dili bisan pa ang Dios sa Iyang kaugalingon, makapasaylo sa inyong mga sala. Natapos na kini. Gibuhat na kana ni Jesus didto sa Krus. Apan kini dili kaninyo makapalambo, o bisan unsa pang butang, o makapaginansiya kaninyo sa bisan unsang butang, hangtud nga inyong dawaton kini. Nakita ninyo?

<sup>159</sup> Ang bugtong butang nga mamahimong buhaton, mao ang mga sugo nga gikahatag na sa Dios, alang sa mga magtotoo sa pagpandong sa mga kamot diha sa masakiton. Kana mao na sa tanan kapanahonan ang ilang gihimo, pinaagi sa pagkapukaw. Ug ilang gitawag kini, nga “Dios.”

<sup>160</sup> Si Abraham nakakita ug daghang mga ilhanan. Apan didto miabot ang usa ka panahon nga nakita ni Abraham ang iyang katapusan nga ilhanan, sa wala pa sunoga ang Sodoma, ug mao kadto ang Dios nga nagapadayag sa Iyang kaugalingon diha sa

dagway sa usa ka tawo. Nagatoo ba kamo niana? Nag-ingon ba si Jesus nga kini mahitabo pag-usab?

<sup>161</sup> Karon, pila man ang ania dinhi. . . Ug didto sa gawas nga anaa sa radyo, o didto sa gawas nga anaa sa telepono latas sa nasud, kong nagapaminaw pa kamo sa gihapon niini, pag-andam na karon alang sa pag-ampo, pagmainampuon, ug kamo nga adunay mga panyo dinhi. Karon, dili ko ikasulti sa Dios kong unsay buhaton. Dili, pahilayo kini kanako bisan pa gani sa pagsulay niini. Halangdon Siya; pagabuhaton Niya ang Iyang gusto. Mao ray akong mahimo ang pagsunod ug ang pagsulti kong unsay Iyang igangon.

<sup>162</sup> Ug karon sila nanagtindog sa palibot sa bong-bong, nagdasok sila, nagpunsisok. Ambot lang kaha kong makahimo ba kita sa pagpangayo sa Dios niining mga pulonga, “Unsa man kining nakapadani?” Kong ang Dios molihok sa atong taliwala pag-usab (tingali’g adunay langyaw dinhi), ug molihok sa matag-usa kanato ug magapakita sa Iyang bulahan nga dagway kanato, magapakita sa Iyang Espiritu dinhi, magapakita nga Siya mao sa gihapon kagahapon, karon, ug sa palaabuton, aron ang matag-usa kanato (human niining duha ka mga magahing Mensahe) makahimo sa pagtoo nga kini maoy mahitabo? Makahimo ba kamo niini? Padayunon ta.

<sup>163</sup> Inay nga tawagon ang laray sa mga magpaampo, ug unya; mainit, nagdasok, nagsandig sa bong-bong. Akong nakita *kini nga* agianan, sa pagtawag sa akong pagaampoan, dili ninyo mahimo kini; tan-awa, kamo nga nagabarog diha. Mahimo ba nga ingnon ko *niining* paagiha? Ang inyong masakiton, mga higdaanan, bisan unsa pang butang, ang nagahigda; dili ninyo mahimo kini. Busa pagpabilin sa paglingkod kong hain ka man, ug toohi ang Dios. Kong adunay imong kard, guniti kana, kini ang pinakamaayo. Moduol kamo kaninyo kung maoy inyong gusto nga modoul pinaagi sa linya. Apan dili na kinahanglan nga moari kamo pinaagi sa linya.

<sup>164</sup> Kanang si Mr. Shepherd, sa miaging Dominggo sa gabii, wala man moduol pinaagi sa linya. Wala ako—wala ako magtoo nga adunay iyang kard alang sa pagpaampo. Ania ba si Mr. Shepherd niining gabhiona? Hain man siya? Ania ba Siya? Atua siya sa luyo. Anaa na bay imong kard alang sa pagpaampo, Mr. Shepherd? Walay imo? Walay iya. Nagalingkod na usab siya diha, niining gabhiona. Kana maoy usa ka maayong dapit, Igsoon Shepherd.

<sup>165</sup> Dili lamang nga kinahanglan anaa ka diha, apan motoo ka lamang. Tungod kay, hinumdomi, ang usa ka gamay’ng babaye mihikap sa Iyang bisti ug Iyang nabati kini. Ug Siya mao sa gihapon kagahapon, karon ug sa palaabuton. Ug ang Hebreohanon nga sulat, diha sa Bag-ong Testamento, nag-ingon nga Siya mao ang Labaw’ng Sacerdote niining gabhiona



nga mahimong “matandog pinaagi sa pagbati sa atong mga kaluyahon.” Nagatoo ba kamo niana? Nan toohi ninyo! Ayaw pagduha-duha Niini. Toohi Kini, ug mahitabo kini. Makabaton ka kong unsay imong—unsay imong gipangayo, kong makahimo kamo sa pagtoo Niini. Apan kinahanglan nga toohan mo Kini. Buhaton ba ninyo kini? Ang tanan ba kaninyo nagatoo Niini? Pila man ang nagatoo Niini karon? Ang Dios magapanalangin kaninyo.

<sup>166</sup> Wala ako mahibalo kong kinsa siya. Walay akong nailhan kaninyo. Dili kana akong bulohaton ang pagkasayud sa matag-usa kaninyo. Bulohaton kini sa Dios ang pagkasayud niining mga butanga. Apan buhaton Niya kini kong motoo kamo Niini. Inyo bang toohan Kini karon?

<sup>167</sup> Karon, Minahal nga Dios, sa pagkatinuod dili kami mga panon sa usa ka pinaliwatan nga mga Cristohanon, dili kami makahimo niini, mga tawo nga kinahanglan pagahuwaphuwapon ug pagabata-bataon. Walay imo nianang maong matang, Ginoo. Ikaw adunay mga magtotoo nga mabaskugon. Ang Presensiya sa Dios maoy nagpahimutang sa usa ka kasing-kasing sa tawo nga mainiton. Sama kang Abraham, siya mitoo sa Dios. Imong gipaila ang Imong Kaugalingon ngadto kaniya, ug dayon mipakita Ka kaniya ug nagbuhat ug usa ka ilhanan, ug mitoo siya Kanimo. Imong gipabalik ang iyang lawas diha sa pagkabatan-ong lalaki, ug usab ang iyang asawa, kinsa, ang iyang asawa kabahin sa iyang kaugalingong lawas. Ug dayon mitungha ang bag-ong bata, ang anak sumala sa gisaad.

<sup>168</sup> Dios, Imong gisaad kana nga mahitabo ang samang butang niining panahona. Naga-ampo ako nga Imong pamatud-an kining Pulonga. Ug among tagdon diha-diha kanang usa ka saad diha, nga kini mahisama unya kanhi sa Sodoma, sa wala pa sunoga ang Sodoma ug ang paghukom mihapak sa Sodoma, ang kalibutan nga Gentil. Sa ingon ang paghukom giandam na aron sa pagbubu sa kalibutan nga Gentil, ug ang mga Judio adunay tulo na lamang ka tuig ug tunga pinaagi sa panahon sa Kasakitan, ang kagubot ni Jacob, ang sumpay sa kapitoan sa semana ni Daniel. Apan, ang mga Gentil gihip na, panahon na sa paglarga. Ug Imong gihatag kanang maong ilhanan, ug Ikaw nag-ingon nga mobalik ra kini pag-usab. Itugot kini, Dios. Sila, kami anaa sa Imong mga kamot, pamuhat uban kanamo maingon sa makita Mo kini nga angay. Sa Ngalan ni Jesus. Amen.

<sup>169</sup> Karon ayaw’g kalisang. Unsa man ang mahitabo niini kong malisang ako? Karon, ako nagabuhat ug usa ka butang dinhi nga kini nagasalig lamang sa labaw’ng kamandoan sa Dios. Apan nganong gibuhat ko man kini? Siya nag-ingon nga kini mahitabo. Napahimutang na kini. Ug kong Iyang kaugalingon maoy mobuhat Niana, pamatud-an sama niana sa inyong

atubangan, ah, dili pa ba kamo makatoo Kaniya? Dili malalis. Batoni na ang pagtoo karon ug saligi.

Tugoti lang ako sa pagtan-aw sa palibot, aron tan-awon kong hain ang Espiritu Santo magmando, ug kong unsay Iyang pagabuhaton. Wala ako mahibalo kong unsay Iyang pagabuhaton, anaa ra kana Kaniya. Apan kon lamang magbaton kamo ug pagtoo, toohi lamang, “Ang tanan butang mahinabo kanila nga nagatoo.” Nagatoo ba kamong tanan niana, ipataas ang inyong mga kamot ug ingna, “Ako nagatoo Niini.” [Ang Congregasyon, “Ako nagatoo Niini.”—Ed.] Sa tibuok kong kasing-kasing, ako nagatoo Niini.

<sup>170</sup> Karon tulo ang mahimong usa ka pagpanghimatuod, kong Iyang pagabuton kini ka tulo nga sunod-sunod nga higayon, aron sa pagpamatuod kaninyo nga Kini maoy husto. Dili ko isapayan kong hain ka, kong kinsa ka, toohi lamang ug saligi. Karon, ayaw’g—ayaw’g paglihok dinhi. *Kining* paagiha.

<sup>171</sup> Babaye, nga nag-ampo, wala ako makaila kanimo. Pagpuyo lamang kong hain ka; dili kinahanglan nga moari ka pa. Wala ako makaila kanimo, apan nagkugos ka ug gamay’ng batang babaye sa imong kamot diha sa imong paa. Dumuluong gayud ako alang kanimo. Ug ang gamay nga batang babaye daw nga sa kasagaran tan-awon, daw maayo siya nga tan-awon. Usa siya ka matahum nga, gamay’ng babaye nga mapula-pula ug ulo. Akong gitan-aw siya diri, ingon ug dili siya bakol nga tan-awon o bisan unsang butang. Wala ako mahibalo kong unsay nahitabo kaniya. Tingali’g dili kong sa bata; tingali’g alang kanimo. Apan nahitabo lang nga nakita ko ikaw nga naglingkod diha uban sa maong bata, ug nag-ampo. Makigsulti ako kaninyo sa makadiyot lang, aron sa pagsalo sa imong espiritu, sama sa giingon ni Jesus ngadto sa babaye, “Hatagi Ako ug mainom,” tan-awa, aron lang hulagwayon-hulagwayon ang usa ka tawo. Si Igsoon Bryant ug silang ania nagalingkod dinhi, nakaila ako niining mga tawhana nga nagalingkod dinhi. Mahimong nagkinahanglan, sila usab, apan mga dumuluong kamo.

<sup>172</sup> Motoo ba kamo kanako nga propeta sa Dios? Motoo ba kamo niining mga butang nga inyong nadungog niining gabhiona nga mao ang Kamatuoran? Karon, kong ipadayag kanako sa Dios ang mga butang nga inyong gibuhay, o mga butang nga dili angay ninyong pagabuhaton, o mga butang nga dili maayo diha kanimo, o kong unsay imong gitinguha, nan imong mapamatuod-an kong kini tinuod o dili. Gusto ba kamo? Ug kong Iyang buhaton kana, nagapamatuod ba kini sa Iyang Pulong nga Siya mao sa gihapon kagahapon, karon, ug hangtud sa palaabuton, ug kanang San Lucas 17:30 maoy nadayag? Motoo ba kamo Niini?

<sup>173</sup> Karon, kanang babaye nga miisa sa iyang kamot mga dumuluong kami sa usag-usa. Wala ako makaila kanimo, apan akong gisulayan pagkontak ang iyang espiritu, usa ka tawo.

Daghan kaninyo ang nagbina. Karon, motoo ba kamo Niini uban sa tibuok ninyong kasing-kasing.

Karon, kini alang sa gamay'ng batang babaye. Dili kon ikaw. Malisangon ka, apan kini dili ang pagkamalisangon ang nakasamok kanimo. Ang pinakadakung butang sa imong kasing-kasing mao kanang gamay'ng batang babaye. Ug motoo ka ba nga ang Dios makahimo sa pagtug-an kanako kong unsa kini? Motoo ka ba niini? Makatabang ba kini kanimo, nan motoo ka ba? Kini usa ka kadaot sa utok. Husto ba kana? Karon ibutang ang imong kamot sa ulo sa bata; ang imong kamot.

<sup>174</sup> Minahal nga Dios, Ikaw nag-ingon, “Kining mga ilhanan maganunot kanila nga nagatoo. Pandungan nila sa ilang mga kamot ang masakiton, ug sila mangaayo.” Ang babaye usa ka magtotoo. Ang iyang kamot anaa sa ibabaw sa bata. Hinaut nga kini mamaayo. Sa Ngalan ni JesuCristo, akong gihalad kining pag-ampo. Amen.

<sup>175</sup> Karon nagatoo ba kamo, kamong tanan? Kong motoo lamang kamo, ang tanan mga butang mahimo. Tinuod!

<sup>176</sup> Nakaila ako sa babaye nga naglingkod sunod kaniya, apan matinud-anon kaayo siya nga nagatan-aw niining paagiha. Dili ko hingnan ang iyang ngalan, apan kong . . . Kong tan-awon ko siya kadiyot, mahibaloan ko. Apan nahibalo ako sa babaye pinaagi sa pagtan-aw, apan wala ako mahibalo kong unsay imong gibati. Motoo ka ba nga ako . . . Ang Dios magpasabot kanako kong unsay imong gibati? Mahimo mo . . . Makatabang ba kini kanimo? Dayabete sa asukar. Karon, kong husto kana, kupti sa imong kamot. Tinuod!

<sup>177</sup> Ang nahitabo sa babaye nga naghigda . . . naglingkod sa sunod nimo, adunay managsamang butang. Usa siya ka dumoluong. Kanang lain nga babaye naga-ampo alang sa lain, usa ka bakol nga bata. Motoo ba kamo uban sa tibuok ninyong kasing-kasing, nga ihatag kini sa Dios.

<sup>178</sup> Usa ka tawo dinhi sa luyo. Lalaki nga nagalingkod didto sa ibabaw, naningkamot sa pagkuha sa pagkahinabako ug sigarilyo. Motoo ka ba nga kuhaon sa Dios kanang tanan gikan kanimo? Padayunon ta. Motoo ka ba? Madawat mo kini. Wala ko makita ang maong tawo sa akong kinabuhi.

<sup>179</sup> Aniyay usa ka lalaki. Tan-awa kanang landong nga nagabitay sa ibabaw niining maong lalaki nga ania dinhi naghigda sa usa ka mao ra nga lantay, o usa ka silya? Himalatyon na siya. Gilandongan na siya. Adunay iyang cancer. Wala ako makaila sa lalaki, wala ko gayud siya makita. Ang Dios nahibalo sa tanan bahin kanimo. Mao kana ang matuod, sir. Motoo ka ba nga ang Dios makahimo sa pagtug-an kanako sa mga butang bahin kanimo? Makatabang ba kini kanimo aron madawat mo ang imong kaayohan? [Ang Igsoon miingon, “Oo, nagatoo ko.”—Ed.] Gidala ka dinhi pinaagi sa usa ka higala. Apan dili ka taga dinhi,

ikaw taga laing dapit diin adunay usa ka dakung linaw sa tubig nga ang mga tawo nagapangisda niana. ["Oo."] Oo, sa Albany, Kentucky. ["Husto kana."] Husto kana. Toohi, ug makauli ka sa inyong balay, nga maayo na. Toohi nga kini nawala na. Kong imong toohan Kini! Kinahanglan nga motoo ka Niini, ug toohi nga kini gibuhat na kanimo. Nagatoo ka?

<sup>180</sup> Ikaw, nga gikan sa Tennessee, adunay usa ka batang lalaki nga may hubak. Wala dinhi, apan motoo ka ba nga ayuhon siya? Nan kuhaa ang imong panyo, imong. . . diha sa inyong kamot, ngadto kaniya. Mamaayo siya kong motoo ka Niini.

<sup>181</sup> Kanang babaye nga naghilak, nga nagalingkod sa atbang gikan kang Doctor Vayle. Siya gilandungon na, usab, usa ka mangitngit nga landong. Wala ko sukad makita kining babaye sa akong kinabuhi, apan adunay iyang cancer. Mamatay siya kong adunay usa ka butang mahimo dili alang kaniya. Nagatoo ka ba nga ayuhon ka Niya, babaye? Mahimo mo? Madawat mo ang imong kaayohan, kon toohan mo lamang.

<sup>182</sup> Anaay usa ka gamay'ng babaye nga nagalingkod diha sa iyang luyo nga adunay panyo nga anaa sa ibabaw sa iyang luyo. Siya adunay ulcer sa tiyan, masakiton. Nakaagi kana ug mga paglamat, pagkahalap, pagkahulog. Adunay usa ka tawo nga nagdala kanimo dinhi. Adunay imong balatian sa pagka-babaye. Kong motoo ka, mahimo ka sa pagpauli, nga maayo na.

<sup>183</sup> Ikaw, batan-ong lalaki, usa ka dumoloong; naglingkod nga ania sa akong atubangan, nga nagatan-aw kanako. Unsa ka man, Puerto Rican o usa ka butang? Oo, unsa ang buot ko ipasabot, . . .? . . .! Ako usa ka dumoloong kanimo. Nasayud ka niana; dili ka man ngani gikan sa among nasud. Apan nagatoo ka ba nga ang Dios makahimo sa paghatag kanimo sa gitinguha sa imong kasing-kasing? Kong sultihan ko ikaw kong unsay imong gitinguha, dawaton mo ba kini? Nagapangita ka sa bautismo sa Espiritu Santo. Kana maoy tinuod. Dawata ang Espiritu Santo akong igsoon.

<sup>184</sup> Aniay usa ka maitom nga lalaki nagalingkod diha sa luyo, naghambin ug kabug-at diha sa kasing-kasing. Kini alang sa iyang asawa. Wala siya dinhi, bisan pa niana. Adunay iyang balatian sa iyang tiil. Nagatoo ka ba nga ayuhon Niya siya? Buhaton mo? Usa ka ka dumoloong dinhi. Ikaw gikan sa tabok sa dagat. Taga Jamaica ikaw. Motoo ka ba nga ang Dios motug-an kanako kong kinsa ka? Mr. Brady. Motoo ka ba? Si JesuCristo mao sa gihapon kagahapon, karon, ug sa palaabuton.

<sup>185</sup> Kining babaye nga nagalingkod diha sa luyo *niini* nga tumoy, sunod kang Mrs. Wright diha, siya adunay usa ka gibug-aton sa iyang kasing-kasing. Siya nagaampo alang sa usa ka dalaga. Siya gidala na alang sa usa ka operasyon. Nagatoo ka ba sa tibuok mong kasing-kasing, alang kaniya? Wala na niya

kinahanglana kini kong toohan mo Kini alang kaniya. Dili ako makaayo.

<sup>186</sup> Balik didto sa lawak sa mga bata, akong nakita ang Espiritu sa Ginoo, usa ka Manulonda, usa ka Kahayag nga nagalihok sa sulod sa lawak sa mga bata. Diha kini sa ibabaw sa usa ka batan-ong babaye, ug adunay iyang espirituhanong gibati nagakahibulong siya. Maingon ug kinahanglanon nga mahibaloan ko ang babaye, sa usa ka paagi, usa ka batan-ong babaye. Aduna usab siya'y balatian sa pagkababaye. Oo. Ang iyang ngalan mao si Mrs. West, gikan sa Alabama, Mrs. David West. Toohi; ang Dios maoy maghatag kanimo.

<sup>187</sup> “Kini mamahimong Kahayag, ug niadtong adlaw sa dihang igapadayag na ang Anak sa tawo.” Kong kana dili mao si JesuCristo nga mao sa gihapon kagahapon, karon, ug sa palaabuton, walay akong kasayuran bahin Niini. Motoo ka ba Niana? Ang tanan butang masayon kanila nga nagatoo.

<sup>188</sup> Sa wala maabot sa micropono latas sa nasud karon, ug dinhi niining tabernakulo, pila man kaninyo motaas sa inyong mga kamot ug moingon, “Ako usa ka magtotoo”? Karon, kamo nga anaa diha sa gawas sa mga kayutaan, ang matag-usa nga nagabayaw sa ilang mga kamot, dinhi. Ug diha sa gawas, didto sa halayo bisan diin latas sa nasud, ipataas ang inyong mga kamot, sa walay pagduha-duha. Karon ipiyong ang inyong mga mata, ipaubos lang ang inyong mga kamot sa ibabaw sa usa ka tawo nga haduol kanimo. Guniti ang ilang kamot. Ipatong kini sa ibabaw sa ilang abaga. Akong gibutang ang akong mga kamot diha sa mga panyo. Tan-awa kong unsa ang nangabuhat karon! Tan-awa kong unsay nabuhat karon.

Sud-onga ang Iyang balaang nawong  
Nagsidlak sa Langitnong gugma;  
Bulahan ang nakaambit sa Iyang grasya,  
Ingon sa Iyang koronang masidlak.

Karon pag-ampo. Mag-ampo kita, bisan diin.

<sup>189</sup> Minahal nga Dios, miabot na ang takna. Unsa ang ipasabot niini? Ang Dios nagatuman sa Iyang Pulong! Unsa man ang makapadani, Ginoo? Mao kini ang Dios nga nagatuman sa Iyang Pulong. Unsa man kining nagapanggula sa gawas sa nasud, pinaagi sa usa ka telepono, nga gatasan sa mga katawhan ang nagapandong sa usag-usa latas sa nasud, gikan sa usang baybayon ngadto sa lain, gikan sa Amihanan ngadto sa Habagatan, sa Silangan ngadto sa Kasadpan? Niini nagalingkod dinhi kining katawhan gikan sa langyaw'ng mga nasud, daghan sa mga estados, Mexico, Canada, ug among gipandong ang among mga kamot diha sa usag-usa. Ang Dios nagatuman sa Iyang Pulong!

<sup>190</sup> Giunsa niini nga kining usa ka tawo makahimo sa pagtindog dinhi pinaagi sa Espiritu Santo ug tawgon ang usa ka tawo sama

sa Iyang gibuhat kang Simon Pedro, “Ang imong ngalan mao si Simon, ikaw mao ang anak ni Jonas?”

“Lakaw kuhaa ang imong bana ug mobalik ka dinhi.”

“Walay akong bana.”

“Tinuod. Aduna nay imong lima.”

<sup>191</sup> Siya miingon, “Ako nahibalo nga ang Mesias moabot aron sa pagbuhat niini, apan Kinsa Ka man?”

Siya miingon, “Ako mao Siya.”

<sup>192</sup> Ug Ikaw mao sa gihapon kagahapon, karon, ug sa palaabuton. Ug Imong gisaad, “Ang mga buhat nga akong ginabuhat mabuhat usab ninyo. Labaw pa niini ang inyong mabuhat, tungod kay moadto Ako sa Amahan.” “Ug, tan-awa, sa katapusang mga adlaw Akong ipadala kaninyo ang Elias, ang propeta, ug iyang usbon ang huna-huna sa mga katawhan, pabalikon ang mga kasing-kasing sa mga anak balik ngadto sa Pagtulon-an sa mga apostoles sa Biblia.” “Ug kini mamahimong Kahayag sa panahon sa kagab-ihon.”

<sup>193</sup> Ania na kita, bantungang Dios sa Langit! Ang takna ania na! Ang mga kamot anaa sa ibabaw sa katawhan.

<sup>194</sup> Satan, napildi kana. Usa ka kabakakon. Ug, maingon nga usa ako ka alagad sa Dios, ug maingon nga mga alagad, kami nagasugo nga sa Ngalan ni Jesu Cristo, nga motuman ka sa Pulong sa Dios, ug molugwa ka gikan sa katawhan, tungod kay nahisulat kini, “Sa Akong Ngalan ilang pagahinginlan ang mga yawa.”

<sup>195</sup> Ug ang tanan katawhan mamahimong gawasnon. Itugot kini, Minahal nga Dios. Ikaw mao ang Dios sa Langit nga mipildi, niadtong adlaw uban sa usa ka makapadani sa ibabaw sa Bukid sa Calbaryo, tanang mga balatian ug mga sakit ug ang tanan binuhatan sa Yawa. Ikaw mao ang Dios. Ug ang katawhan nangaayo pinaagi sa Imong mga labod. Sila may kagawasan na. Sa Ngalan ni Jesu Cristo. Amen.

<sup>196</sup> Dios, ang matag panyo nga gibutang dinhi, samtang ang Espiritu sa Dios ania dinhi, samtang ang dihog ni Jesu Cristo anaa sa ibabaw sa katawhan, ug ang dagkung mga ilahanan nga Iyang gisaad nangatuman na, ug ang yuta mikurog, ang mga linog nagakahitabo na, ang dagkung mga ilhanan nga Iyang gisulti, ug ang Kasulatan natuman na, ug ang Kahayag sa kagabhion midan-ag na. Akong gipahimutang ang akong lawas dinhi niining mga panyo, nga nagarepresentar niining tibuok lawas sa mga magtotoo gikan sa Silangan, Kasadpan, Amihan, ug Habagatan; ug moingon ngadto sa Yawa, “Sa Ngalan ni Jesu Cristo, pahawa sa matag masakiton nga mapatungan niini,” alang sa dungog ug himaya sa Pulong sa Dios. Sa Ngalan sa Pulong sa Dios, si Jesu Cristo nga Nazareton. Amen.

<sup>197</sup> Karon, maghilum, ligdong, maugdang, ug diha sa inyong hustong panghuna-huna, ingon nga mga magtotoo, nagtoo na ba kamo karon ug nadawat ninyo ang inyong ang kaayohan gikan sa Dios nga Makagagahum sa tanan, diha sa Ngalan ni JesuCristo? Kong buhaton ninyo ipataas ang inyong mga kamot. Tanan nga anaa sa gawas sa kayutaan, ipataas ang inyong mga kamot diha. Ang matag tawo nga ania dinhi, kutob sa akong makita, nga nagabayaw sa ilang mga kamot; sa sulod, ug sa gawas, diha sa bintana, sa mga pultahan, diha sa lawak sa mga bata, ug tanan bisan diin, uban sa mga binayaw nga mga kamot sa katawhan. Ilang gidawat Kini. Napildi na si Satanas! Ang mga labod ni JesuCristo nagaayo kaninyo, ug ang Presensiya ni JesuCristo nagasusi sa kamatuoran nga Siya usa ka buhi karon, sa kanunay makahimo sa pagtuman sa matag saad nga Iyang gihimo. Amen! Ako nagatoo Kaniya. Kamo ba usab? [Ang Congregasyon miingon, “Amen.”—Ed.]

<sup>198</sup> Karon manindog sa atong mga tiil. Sa Ngalan sa Ginoong Jesus, nagadawat sa matag butang nga nabuhat na o giingon na, atong gihigugma Siya sa tibuok tang kasing-kasing. Atong pangga-on Siya uban sa tanan nga ania kanato. Karon samtang mopauli kamo sa inyong nagkalain-laing puloy-anan gikan karong gabhiona, ang Dios magauban kaninyo. Ang Dios magahatag kaninyo sa Espiritu Santo kong wala pa kamo niining Espiritu Santo.

<sup>199</sup> Matag lalaki, ug babaye, batang lalaki, o batang babaye, dinhi, nga wala pa mabautismohi sa Ngalan ni JesuCristo, anaay mga bisti, linaw sa tubig. Ayaw ibutang sa ugma kong unsa ang imong buhaton karon. Ugma tingali’g mahimong ulahi na. “Igo na ang sa karon, tungod kay ang adlaw, anaa ang kadautan niini.” Anaay mga ministro nga nagatindog, nagapaabot, ang mga bisti nagahulat. Walay ikapangulipas. Nagpaabot ba kamo? Kon mao man ugaling, toohi ninyo. Walay sapayan bisan kon kapila na kamo mabautismohi, giwisik-wisikan, gibuboan, bisan kong unsa kini, kini usa ka sayop. Ang Kahayag miabot na. Duol, toohi, ug magpabautismo.

<sup>200</sup> Ang matag-usa nga walay Espiritu Santo, hinaut nga inyong madawat ang Espiritu Santo, ang matag-usa kaninyo, diha sa sangkap nga Langitnoong gahum ug gugma nga Iyang gisaad kaninyo, aron mamahimo kamo nga bag-ong binuhat diha Kaniya. Ang Dios magapanalangin kaninyo.

<sup>201</sup> Karon, hangtud sa sunod Dominggo sa buntag sa alas 9:30, atong awiton kining gamay nga awit nga sa kanunay atong ginaawit sa milabay na mga katuigan.

Ayaw kalimti ang pang pamilyang pag-ampo,  
Gusto ni Jesus nga magkita ta didto;  
Dalhon niya ang matagpas-anon mo  
Ayaw kalimti ang pag-ampo sa pamilya.

Dunganan ta kini sa pag-awit karon.

Ayaw kalimti ang pang pamilyang pag-ampo,  
Gusto ni Jesus nga magkita ta didto;  
Dalhon niya ang matag pas-anon mo  
O, ayaw kalimti ang pag-ampo sa pamilya.

<sup>202</sup> Karon samtang awiton ta kini sa pag-usab, lamanoha ang dumuluong nga sunod kanimo, tan-awa, samtang awiton ta kini.

Ayaw kalimti ang pang pamilyang pag-ampo,  
Oh, gusto ni Jesus nga magkita ta didto;  
Dalhon niya ang matag pas-anon mo,  
Oh, ayaw kalimti ang pag-ampo sa pamilya.

<sup>203</sup> Gihigugma ba ninyo Siya? Gimahal ko Siya. Gimahal ko Siya tungod kay Siya ang unang nahigugma kanako ug mibayad sa akong kaluwasan (mao kadto ang makapadani) didto sa Bukid sa Calbaryo. Mao ra nga makapadani didto sa Bukid sa Salupanan, sa Bukid sa Nebo, sa Bukid sa Sinai, tanan nga nagakalain-lain nga kasinatian sa ibabaw sa bukid. Ug unya, padayunon ta, awiton ta kini karon.

Gihigugma ko Siya, Gihigugma ko Siya  
Tungod kay Siya ang unang nahigugma  
kanako  
Ug nagba- . . . kaluwasan  
Didto sa kahoy sa Kalbaryo.

<sup>204</sup> Ang tanan nga nahigugma Kaniya, moingon “Amen.” [Ang Congregasyon miingon, “Amen.”—Ed.] Sa ingon mahitabo kini! Karon huna-hunaa lang kong unsay Iyang nabuhat alang kanimo; huna-hunaa, nga mahimong atua ka sa lawak inuman ning gabhiona. Tingalig dugay ka na sa lubnganan sama nga ako didto, kong wala pa ang kalooy sa Dios. Unsa ang Iyang gibuhat kanimo? Oh, unsaon man nato ang pagpabilin sa paghigugma Kaniya? Ayaw’g hatagi’g pagtagad kong unsay igaingon ni bisan kinsa, Siya ang nauna.

<sup>205</sup> Atong piyungon ang atong mga mata, ug iduko ang atong mga ulo samtang atong awiton kini ngadto Kaniya karon. Siya gusto ug mga alawiton, manag-awit nga haming. Atong awiton kini ngadto Kaniya karon.

Gihigugma ko Siya, Gihigugma ko siya  
Tungod kay Siya ang unang nahigugma  
kanako  
Ug nagbayad sa kaluwasan ko  
Didto sa kahoy sa Kalbaryo.

<sup>206</sup> Uban sa atong mga ulo ug mga kasing-kasing nga dinuko sa Iyang Atubangan, hupong sa pagkamatinahuron sa unsay nakita sa atong mga mata, sa unsay nadungog sa atong mga dalunggan, unsay nahisulat diha sa Pulong sa Dios, unsay Iyang saad alang kanato karon. Ang Dios magapanalangin kaninyo.



<sup>207</sup> Adunay atong usa—usa ka bisita uban kanato niining gabhiona, usa ka igsoon, Ned Iverson, kaniadto usa ka Presbyterian nga ministro. Ang iyang amahan, iyang mga igsoong lalaki, mga ministro sa Presbyterian. Siya, akong nasabot, nga nabautismohan karon, pag-usab, diha sa Ngalan ni JesuCristo. Siya usa ka ministro, ug usa ka maayo diha niana. Ug karon akong hangyu-on siya, maingon nga nagatoo ako kaniya nga ulipon sa Dios, sa pagpangayo sa panalangin sa Dios diha sa Congregasyon samtang mopauli kamo sa inyong puloy-anan.

<sup>208</sup> Igsoon Iverson, duol ngari, samtang atong iduko ang atong mga ulo diha sa pag-ampo. Ang Dios magapanalangin kanimo akong igsoon.



*UNSA MAN ANG MAKAPADANI DIDTO SA IBABAW SA BUKID?* CEB65-0725E  
(What Is The Attraction On The Mountain?)

Kining Mensahe ni Igsoong William Marrion Branham, Unang giwali sa pinulungang Ingles niadtong Domingo sa gabii, Hulyo 25, 1965, sa Tabernakulo nga Branham sa Jeffersonville, Indiana, U.S.A., mao'y gikuha gikan sa usa ka magnetik teyp recording ug giimprinta sulod niini sa hingpit sa pinulungang Ingles. Kining paghubad sa pinulungang cebuano giimprinta niining tuig nga 2001 sa:

CEBUANO

©2001 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Pahibalo Bahin Sa Katungod Sa Pagmantala

Ang tanang katungod sa pagmantala iyaha lamang sa tag-iya. Kining basahona mahimong i-print sa printer sa balay alang sa personal nga gamit o sa pagpang-apod-apod, nga walay-bayad, ingon nga usa ka instrumento sa pagpakaylap sa Ebanghelyo ni Jesus Cristo. Kining basahona dili mahimong ibaligya, kopyahon nga pang-dinaghan, i-post sa website, i-store sa usa ka retrieval system, ihubad sa ubang pinulongan, o gamiton sa pagpangayo og mga amot nga walay ginapagawas nga kasulatan nga pagpahanugot gikan sa Voice Of God Recordings®.

Alang sa dugang nga mga kasayuran o alang sa uban pa nga ginapang-apod-apod nga mga materyales, mahimong kontakon ang:

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)